



事文類聚別集五

1703  
170107  
25

新宮城書藏



43  
167  
25

新編古今事文類聚別集卷之二十二

建安

祝穆

和父

編

金陵

唐富春

子和

梓

仕進部

愛君

羣書要語善則稱君過則稱已坊記忠臣雖任畎畝猶不忘君

若葵藿之傾太陽雖不為迴光然終向之者誠也曹子建

詩句馳心輦轂下曹子建揮涕戀行在道途猶恍惚杜生逢堯

舜君不忍便求訣杜獨隨朝宗水李白平生五色線願補舜衣

裳杜牧之微臣欲獻唐虞壽遥指南山對袞龍王維只因未報

利

267

25

東坡學

東坡學

君恩重清夢時時到玉堂坡

**古今事實**

乃心王室

康叔雖爾在外乃心罔不在王室康誥

耻君不及堯舜

昔先正保衡曰予弗克俾厥后為堯舜其心愧耻

三宿出晝

孟子曰我非堯舜之道不敢以陳於王前故齊人莫如我敬王也予三宿而後出晝於予心猶以為速

曝背獻芹

宋國有田父常衣濕廣至春自曝於日當爾時不知有廣廈

室蘇續孤貉顧謂其妻曰負日之暄人莫知之以獻吾君將有

實也其室告之曰昔人有美戎葵其泉莖芹萍子對鄉豪稱之

鄉豪取嘗之蜚於口慄於腹眾哂之列子揚朱

睠顧其國

屈原雖放流睠顧楚國繫心懷王而不忘

心居魏闕

魏子牟身在江湖之上心居魏闕之下莊子

願入禁闥

汲黯補淮陽太守曰臣常有狗馬之心今病力不能任郡事願為中郎出入禁闥補過拾遺

事君之禮不同

元祐初哲宗幼冲起文潞公以平章軍國重事召程頤正叔為  
宗政說書正叔以師道自居每侍上講色甚莊繼以諷諫上畏  
之潞公對上恭甚進名唱名侍立終日上屢曰太師少休公頓  
首謝立不去時公年九十矣或為正叔曰君之倨視潞公恭議  
者以為未盡正叔曰潞公三朝大臣事幼主不得不恭吾以布  
衣為上師傅其敢不自重吾與潞公所以不同也識者服其言  
聞見錄

古今文集

詩話

一飯不忘君見詩門

欲是愛君見詩門

退不忘君

朱文公晚年家居題桃符云愛君希道泰憂國願年豐則見公  
非不欲仕但道不合則去耳

憂世

羣書要語我瞻四方感厖靡所聘節南山憂心如惓同上心之

憂矣不遑假寐小弁自古聖人賢士皆非有心求於闡用世憫

其時之不平人之不義得其道不敢獨善其身而必以救濟天

下也韓文處廣廈宜念巢居露寢者食兼味宜念糊口甌糜者

夏清涼宜念曝日而耕者冬溫燠宜念卒歲無衣者英華處州

進不知富貴之為樂退不忘天下以為心歐集

食堂記

**詩句**但傷民疾病不識時忌諱白樂天我若未忘世雖關心亦

恒世若未忘我雖退身難藏白遂我一身逸不如萬物安元稹

志士白髮早孟郊中原未得平安報醉裏眉摺萬國愁荆白髮

憂民雖種種丹心許國尚桓桓歐玉顏自古為身累肉食何人

為國謀歐貌先年老因憂國事與心違始乞身歐挽杜祁公

**古今事實**

古聖憂勞

神農憔悴堯瘦臞舜衡黑禹胼胝由此觀之則聖人憂勞百姓甚矣淮南子

仲尼憂世

孔子去魯接浙而行去魯曰遲遲吾行也去父母國之道也萬

章仲尼皇皇學行轍環天下卒老于行韓文孔席不暇煖班固

孟子憂世

孟子周流憂世遂以儒道遊於諸侯思濟斯民趙岷序

不忘社稷

楚子囊死遺言謂子庚必城郢君子謂子囊忠將死不忘衛社稷左

漆室憂魯

曾漆室邑之女過時未適人倚柱而嘯鄰婦曰子欲嫁乎曰非也予憂者魯君老太子幼鄰婦曰此丈夫之憂也女曰不然昔有客過繫馬園中踐予葵使予終歲不飽葵鄰女奔使予兄追之逢水溺死使予終身無兄子聞河潤九里漸汝三百步今魯

國有患君臣父子被其辱婦女獨安所避乎

戰國策

發婦憂周

發不恤綿而憂宗周之亡左

藿食憂國

東郭祖朝者上書於晉獻公曰願請聞國家之計公曰肉食者已慮之矣藿食而何預焉祖朝曰肉食者一旦失於廟堂之上若臣等藿食者寧得無肝膽塗地於中原之野其禍亦及臣之身安得無預國家之計乎

說死

歷詆公卿

漢息夫躬論議無所回避上疏歷詆公卿曰方今丞相王嘉律而蓄縮不可用御史大夫賈延陞弱不任職左將軍公孫祿司隸鮑宣皆外有直項之名內實駭不曉事諸曹以下僕遯不足數如狂夫噪譟於東崖匈奴飲馬於渭水使邊境雷動四野風起京師雖武彘精兵未有能窺左足而先應者也注窺音跬半步也言一舉足也

臨終憂國

王坦之臨終與謝安桓冲書惟以國家為憂言不及私

晉武紀

憂喜為國事

杜正獻公衍一日憂見于色門生曰公今日何以不悅公曰適覩朝報行某事某事非便所以憂爾又一日喜見于色曰今日見朝報某人某人進用社稷之福也公又曰孔子稱不在其位則不謀其政某荷國厚德退居以來家事百不關心獨未能忘

國耳言行錄

老猶憂國

韓魏公雖在外其心常繫社稷至自老而心益篤或有時聞更祖宗一法度壞朝廷一綱紀則終日不食言行錄

退歸默坐

王文正公旦或歸私第不去冠帶入靜室中默坐家人惶恐莫敢見者而不知其意後公弟以問趙公安仁趙公曰見議事公不敢行而未決此必憂朝廷矣言行錄

先天下憂

范文正公少有大節其於富貴貧賤毀譽歡戚曾不一動其心慨然有志於天下嘗自誦曰士當先天下之憂而憂後天下之

樂而樂神道碑

憂過在位

呂獻可病卧洛陽猶旦夕憤歎以天下事為憂過於在位任其責者矣神道碑

古今文集

雜著

時化

元結

元子聞浪翁山野浪老也說化化無窮極因論諭曰翁亦未知時之化也多於此乎曰時焉可化我未之記元子曰於戲時之化也道德為嗜慾化為險薄仁義為貪暴化為凶亂禮樂為耽淫化為侈靡政教為煩急化為苛酷翁能記於此乎時之化也



夫婦為溺惑所化化為犬豕父子為昏慾所化化為禽獸兄弟  
 為猜忌所化化為讎敵宗戚為財利所化化為行路朋友為世  
 利所化化為市兒翁能記於此乎時之化也大臣為威權所恣  
 忠信化為姦謀庶官為禁忌所拘公正化為邪佞公族為猜忌  
 所限賢哲化為庸愚人民為征賦所傷州里化為禍邸姦凶為  
 恩幸所迫厮皂化為將相翁能記於此乎時之化也山澤化為  
 井陌或曰晝於草衣原野化為狴犴或曰燁於鳥戰江湖化為  
 鼎鑊或曰暴於魚鱉祠廟化為宮寢或曰敷於禮禱公能記於  
 此乎時之化也情性為風俗所化無不作狙狡誑詐之心聲呼  
 為風俗所化無不作諂媚僻淫之辭顏容為風俗所化無不作  
 姦邪慙促之色翁能記於此乎

世說

元結

浪翁聞元子時化歎曰吾昔聞世化可說又異於此昔世之化  
 也天地化為斧鑕日月化為豺虎山澤化為州里草木化為宗  
 族風雨化為邸舍雪霜化為衣裳呻吟化為常聲糞污化為梁  
 肉一息化為千歲鳥犬化為君子元子惑之浪翁曰子不聞往  
 昔之化也四海之內巷戰鬥斷骨腐肉萬里相藉天地非斧  
 鑕也耶人民暗夜盜起求食晝遊則死傷相及日月非豺虎也  
 耶人民相與寄身命於絕崖深谷之底始能聲呼動息山澤非  
 州里也耶人民奔走非深林蒼叢不能藏蔽草木非宗族也耶  
 人民去鄉國入山海千里一息力盡暫休風雨非邸舍也耶人  
 民相持於死傷之中裸露而行霜露非衣裳也耶人民勞苦相

冤瘡痍相痛老弱孤獨相苦死亡不相救呻吟非常聲也耶人  
民多饑餓溝瀆病傷道路糞污非梁肉也耶人民奔亡潛伏戈  
矛相拂前傷後死免而存者一息非千歲也耶疆王腐卿相枕  
路隅鳥獸讓其骨肉烏犬非君子也耶

訊昨

劉禹錫

劉子如京師過徐之右鄙其道旁午有昨增增扶班白挈羈角  
質生噐荷農用摩肩而西僕失告予曰斯宋人梁人毫人穎人  
之逋者今復矣予愕而訊云予聞隴西公暢轂之止方踰月矣  
今尔曹之來也欣欣然似恐後者其聞有勞來之薄歟蠲復之  
條歟振贍之恩歟碩鼠亡歟瘵狗逐歟曰皆未聞也且夫浚都  
吾政之上游也自巨盜開釁而武臣顯焉牧守由將校以授皆

虎而冠子男由胥徒以出皆鶴而軒故其上也子視卒而芥視  
民其下也驚其理而蟬其賦民弗堪命是軼于他土然咸重遷  
也非沾危擠整不能違之曩者雖歸成謠而故態相沿莫我敢  
復今聞吾帥故為丞相也能清淨畫一必能以仁蘇我矣其佐  
嘗宰京邑也能誅鋤豪右必能以法衛我矣奉斯二必而來歸  
惡待事實之及也予因浩歎曰行積於彼而化行於此實未至  
而聲先馳聲之感人若是之速歟然而民知至至矣政在終終  
也試嘗論聲實之先後曰民黜政煩必須理而後勸斯實先聲  
後也民離政亂須感而後化斯聲先實後也立實以致聲則難  
在經始由聲以循實則難在克終操其柄者能審是理俾先後  
始終之不失斯誘民孔易也

古詩

春陵行 并序

元結

癸卯歲漫叟授道州刺史道州舊四萬餘戶經賊以來不滿四千大半不勝賦稅到官未五十日承諸使徵求符牒二百餘封皆曰失其限者罪至貶削於戲若悉應其命則州縣破亂刺史欲焉逃罪不應命又即獲罪矣必不免也吾將守官靜以安人待罪而已此州是春陵故作春陵行以達其情

軍國多所須切責在有司有司臨郡縣刑法競欲施供給豈不憂徵歛又可悲州小經亂亡遺人實困疲大鄉無十家大族命單麻朝食是草根暮食乃木皮出言氣欲絕意速行步遲追呼尚不忍况乃鞭撻之郵亭傳急符來往跡相追更無寬大恩但有迫促期欲令驚兒女言發恐亂隨悉使索其家而又無生資聽彼道路言恐傷誰復知去冬山賊來殺奪幾無遺所願見主官撫養以惠慈奈何重驅逐不使存活為安人天子命符節我所持州縣忽亂亡得罪復是誰通緩遣詔令蒙責固所宜前賢重守分惡以禍福移亦云貴守官不受能適時顧惟孱弱者正直當不戲何人采國風吾欲獻此辭

賊退示官吏 并序

元結

癸卯歲西原賊入道州殺掠幾盡而去明年賊又攻永州破郡不犯此州邊鄙而退豈方能制

敵歟蓋蒙其傷憐而已諸使何為忍苦微故作  
詩一篇以示官吏

昔年逢太平山林二十年泉源在庭戶洞壑當門前井稅有常  
期日晏猶得眠忽然遭世變數歲視戎旃今來典斯郡山夷紛  
紛然城小賊不屠人貧傷可憐是時陷鄰境此州獨見全使臣  
將命來豈不知賊焉今彼懲歛者迫之如火煎誰能絕人命以  
作時世賢思欲委符節引竿自刺船將家就魚麥歸老江海邊

同元使君春陵行

并序

杜甫

覽道州元使君春陵行兼賊退後示官吏作二  
首志之曰當天子分憂之地效漢官良吏之日  
今盜賊未息知民疾苦得結輩十數公叅儲天

下為邦家萬物吐氣天下少安可待矣不意復  
見比興體制微婉頓挫詳感而有詩增諸卷  
軸間知我者不必寄元也

遭亂髮盡白轉衰病相嬰沉綿盜賊際狼狽江漢行歎時藥力  
薄為客羸瘵成吾人詩家秀博采世上名粲粲元道州前聖畏  
後生觀乎春陵作歛見聖哲情復覽賊退篇結也實國禎賈誼  
昔流勸匡衡常引經道州憂黎庶詞氣浩縱橫兩章對秋月一  
字皆華星致君唐虞際純朴憶大庭何時降璽書用爾為丹青  
獄訟久衰息豈惟偃甲兵悽惻念誅求薄歛近休明乃知正人  
意不苟飛長纓涼飈振南嶽之子寵若驚色沮金斗大興含滄  
浪清我多長卿病日久思朝廷肺枯渴大甚漂泊公孫城呼兒

具紙筆隱几臨軒楹作詩呻吟內墨淡字欹傾感彼危苦詞庶  
幾知者聽

新安吏

杜甫

客行新安道喧呼聞點兵借問新安吏縣小更無丁府帖昨夜  
下次選中男行中男絕短小何以守玉城肥男有母送瘦男獨  
伶俜白水暮東流青山猶哭聲莫自使眼枯收汝淚縱橫眼枯  
却見骨天地終無情我軍取相州日夕望其平豈意賊難料歸  
軍星散營就粮近故壘練卒依舊京掘壕不到水牧馬役亦輕  
况乃王師順撫養甚分明送行勿泣血僕射如父兄

石壕吏

杜甫

暮投石壕村有吏夜捉人老人踰牆走老婦出門看吏呼一何  
恐婦啼一何苦聽婦前致詞三男鄴城戍一男附書至二男新  
戰死存者且偷生死者長已矣室中更無人所有乳下孫孫有  
母未去出入無完裙老嫗力雖衰請從吏夜歸急應河陽役猶  
得備晨炊夜久語聲絕如聞泣幽咽天明登前途獨與老翁別

官政

廢事附

羣書要語學古入官書不辭于位詩委蛇委蛇退食自公羔羊  
政者正也子帥以正孰敢不正語敬共朝夕恪居官次襄二十  
且侵官冒也失官慢也離局姦也成十六五大不在邊五細不  
在庭注言五官之長專盛過節則不可居邊細弱不勝任亦不  
居朝廷昭十一釋回措枉造次秉直事不失當舉無秕政柳御

史纂版

詩句看君樵黃綃縮卧放晚衙坡卯申縛壯士人世信少娛注

倉庫法早入晚出陳簡齋鈴齋幸得親師席東向時容問治民

歐青衫半作霜葉枯遇民如兒吏如奴坡廢職終年但如此真

竊太官餐曾

古今事實

争田質成

虞芮二國争田而訟連年不決乃相謂曰西伯仁人也盍往質焉入其境則耕者讓畔行者讓路入其朝則士讓為大夫大夫讓為卿虞芮之君曰嘻吾儕小人不可以入君子之朝遂以其所争為聞田家語

甘棠聽訟

甘棠召伯聽訟也蔽芾甘棠勿剪勿伐召伯所茇

始謗終誦

孔子相魯魯人謗曰麤裘而鞞投之無矢鞞之麤裘投之無郵及三月政成化行民誦曰袞衣章甫實獲我所章甫袞衣惠無我私孔叢子子產相鄭一年與人謂之曰取我衣冠而褚之取我田疇而伍之孰殺子產吾其與之三年又謂曰我有子弟子產誨之我有田疇子產殖之子產而死誰其嗣之

日昃不休

前漢薛宣守左馮翊及日昃休吏職曹掾張扶獨不肯休坐曹治事

首抑豪強

後漢周紆為洛陽令下車問大姓主名吏以閭里豪強對紆曰本問貴戚若馬實等輩豈能知此賣菜傭乎部吏望風爭以激勸為事京師肅然

杖吏從輕

桓公在荊州恥以威刑肅物令吏受杖止從朱衣上過桓式云向見令吏受杖上稍雲根下拂地足意譏不着公曰我猶患太重世說

赤子龍蛇

扶風馬公揔為鄆曹濮節度觀察等使鎮其地公承死亡之後掇拾之餘剥膚推髓公私掃地赤立新舊不相保持萬目睽睽公於此時能安以泊之其功為大又曰公之始至眾未熟化以武則忿而憾以恩則橫而肆一以為赤子一以為龍蛇憊心罷精磨以歲月然後致之難也及教之行眾皆戴公為親父母韓愈鄆州溪堂詩序

拷罪立名

李嵩武后時為御史鞠獄備諸慘酷其訊罪人皆有名如仙人獻果玉女登梯擲子懸車驢兒拔椽鳳凰曬翅獼猴鑽火之類唐朱棧遺周興為周秋官侍郎性慘毒推劾殘忍法外苦楚無所不為拷縛罪人有仙鶴曬翅胡孫碾茶鬼拽鑽牛拔椽之名時人呼為牛頭夜叉談賓錄

戲為判語

事文類聚別集 卷之三  
李自誠爲長葛宰一雜職犯過乃戲判曰豈有終日執之而不知其味者乎 國史補

能辯冤獄

錢若水爲同州推官有富民家小女奴逃亡不知所之奴父母訟於州命錄事叅軍鞠之錄事嘗貸錢於富民不獲乃劾富民父子數人共殺女奴棄尸水中遂失其尸或爲元謀或從而加罪皆應死富民不勝榜楚自誣服州官皆以爲得實若水獨疑之留其獄數日不決一日詣州屏人言曰已密使人訪求女奴得之矣知州驚曰安在若水密使人送女奴於知州所乃垂簾引女奴父母示之泣曰是也乃引富民父子悉破械縱之其人號泣不肯去知州曰推官之力也其人趣詣若水廳事若水閉

門拒之不得入繞垣而哭傾家貲飯僧爲若水祈福 涑水

支散軍糧

王德用在定州一旦倉中給軍糧軍士以所給米黑喧譁紛擾監官懼逃匿有四卒以黑米見德用德用曰汝從我當自人倉乃往召專副問曰昨日我不令汝給二分黑米八分白米乎叱從者杖專副又呼四卒謂曰黑米亦公家物不給與汝曹當棄之乎汝何敢乃爾喧譁如此欲求決配乎百拜流汗乃捨之倉中肅然 涑水記聞

應變倉卒

張垂崖守城都兵火之餘人懷反側一日合軍旅大閱始出衆遂高呼者三垂崖亦下馬東北望而三呼復攬轡行衆不敢譁



趙濟畏之龍圖華崖孫婿也嘗以此事告韓魏公魏公曰當是時某亦不敢措置忠直語錄

兩易爭業

張公詠知杭州有沈章訟兄彥均割家貨不平公撻而遣之後半載公因過其所居下馬召章并彥曰汝弟訟汝治家掌財伊幼小不知貲多少汝又分之不均平乎彥曰均平章曰不均公曰兄之族入於弟室弟之族入於兄家即時對換人莫不服青瑣高議

判斷擲筆

韓魏公文潞公俱嘗鎮北門方魏公時朝城令決一守把兵士方二不輒悖罵不已知縣以解府魏公使前問云汝罵長官信否曰當時乘忿實有之公曰汝為禁兵既差在彼便有階級安可如此即於解狀判領赴市曹處斬從容平和略不變色眾但見其投筆方知有異至潞公時復有外鎮解一卒如前者公震怒問之兵對如實亦判處斬而擲筆以此見二公之量不同如魏公則彼自犯法吾何怒之有不惟學術之妙亦天資之過人耳元城語錄

年尊勤職

韓魏公勤于吏職簿書文檄檢察研竅莫不躬親左右或曰公位重年耆功名如此朝廷賜守卿郡以養安幸無親小事公曰已憚煩勞吏民當有受弊者且俸祿日萬錢不事事吾何安哉

辯僧冤獄

向相在西京有僧暮過村民家求寄止主人不許僧求寢其門外車箱中許之夜中有盜入其家自牆上扶一婦人并囊衣而出僧適不寐見之自念不爲主人所納而強求宿而主人亡其婦及財明日必執我詣縣矣因夜亡去不敢循故道走荒草中忽墮窰井則婦人已爲人所殺先在其中矣明日主人搜訪亡僧并子婦屍得之井中執以詣縣掠治僧自誣云與子婦姦誘與俱忘忽爲人所得因殺之投井中暮夜不覺失足亦墜于井賊在井傍亡失不知何人所取獄成言府府皆不以爲疑獨敏中以賊不獲疑之引僧詰問數四僧服罪但言某前生當負此人死無可言者敏中固問之僧乃以實對因密使吏人訪其賊吏食於村店店聞其自府中來不知其吏也問之曰僧某者其

獄何如吏詔之曰昨日已笞死于市矣嫗歎息曰今若獲賊則何如吏曰府已誤決此獄雖獲賊亦不敢問也嫗曰然則言之無傷矣婦人者乃此村少年某甲所殺也吏曰某甲安在嫗指示其舍吏就舍掩捕捉之案問具服并得其贓一府以爲神

水記聞

### 不屑吏事

向文簡公敏中罷相出鎮多以吏事爲意寇萊公雖有重名所至之處終日遊宴所愛伶人或付與富室厚有所得然人皆樂之不以爲非也

記聞

### 反墮吏姦

包孝肅尹京號明察有編戶犯法當杖春吏受賕與約曰今見

尹汝但號呼自辯我與汝分罪汝決杖我亦決杖既而包引囚問果分辯不已吏訶曰但受春杖出去何用多言包謂其弄權杖之於庭特寬囚罪止從杖坐不知乃爲所賣有瓊高詒

### 時來爲相

劉沆擢右正言知制誥陝西用兵沆見執政白事翌日請對極言得失仁宗送其議於中書執政不悅曰須舍人作相自行之沆曰宰相豈有常哉時來則爲之

### 禁絕異端

程明道先生任京兆鄠簿南山僧舍有石佛歲傳其首放光男女聚觀晝夜雜處爲政者畏其神莫敢禁先生始至詰其僧曰吾聞石佛歲現光有諸曰然戒曰俟復現必先白吾職事不能往當取其首就觀之自是不復有光行狀

### 晡龍折竿

明道先生爲上元簿日茅山有龍池其龍如蜴蜥而五色祥符中中使取二龍至中途中使奏一龍飛空而去自昔嚴奉以爲神物先生嘗捕而晡之使人不惑其始至邑見人持竿道傍以黏飛鳥取其竿折之教使勿爲及罷官艤舟郊外有數人共語自主薄折黏竿鄉民子弟不敢畜禽鳥墓誌

### 僕告其主

李孝壽知開封府有舉子爲僕所凌忿甚亟縛之作狀欲送府會爲同舍勸解久之氣亦平因釋去自取其狀戲學孝壽押字判曰不勘案決臀杖二十其僕怨之翌日即竊其狀走府曰秀

才日學知府判狀私決人孝壽即令追之既至具陳所以孝壽  
翻然謂僕曰如此秀才所判正與我同真不用勘案命吏就讀  
其狀如數決之是歲舉子會省試且數千人凡僕聞之皆畏戢  
無敢肆者當時亦稱其敏

石林燕語

### 闔毆罰錢

鞠真卿守潤州民有闔毆者本罪之外別令先毆者出錢與後  
應者小人斲財兼不憤出錢終日紛爭相視無敢下手者

青瑣

### 作相不親細務

或謂趙丞相欲放混補歎息云方今夫倫恁地不成模樣身為  
宰相合是以何為急却要急去理會這般事如何恁他不識輕  
重此皆是衰亂之態只看宣和末年番人將至宰相說其事只

看實錄頭一板便見且說太學裏秀才做時文不好爾道是識

世界否且如今待補取士有甚不得如何道恁地便取得人

才如彼便取不得人才只是亂說

朱語錄

日飲亡何

見飲酒門以下係廢職

### 適百乃開

陳遵為司徒掾公府掾吏皆羸車小馬不上鮮明而遵獨極輿  
馬衣服之好又日出醉歸曹事數廢西曹以故事適之詩曹白  
遵曰陳卿今日以某事適遵曰適百乃相聞故事有百適者斥  
蒲百西曹請斥大司徒馬宮優士又重遵舉能治劇補郁夷令

### 眾事不理

蜀蔣琬為廣都長先主嘗奄至廣都見琬眾事不理將又沈醉

事文類聚別集 卷之二十二 十一  
將加罪戮諸葛亮曰琬社稷之器非百里之才也為政以安民  
為本不以修飾為先乃不加罪但免官而已

預備錄獄

蜀何祗為督軍從事丞相聞祗游戲放縱不勤所職嘗奄往錄  
獄祗密聞之夜張燈火見囚讀諸鮮狀亮晨往祗悉已闇誦對  
答無所疑滯亮甚異之

似是馬曹

晉王徽之為車騎桓冲騎兵叅軍冲問鄉署何曹答曰似是馬  
曹又問管幾馬曰不知馬何由知數又問馬比死多少曰未知  
生焉知死嘗從冲行暴雨徽之下馬持入車中謂曰公豈得獨  
擅一車冲嘗謂曰卿在府日久比當相料理徽之初不誦答直  
高視以手版柱頰曰西山朝來致有爽氣耳

樗蒲廢事

陶侃鎮荊州時閭外多事千緒萬端罔有遺漏遠近書疏莫不  
手答筆翰如流未嘗壅滯常曰大禹聖者乃惜寸陰至於眾人  
當惜分陰豈可逸遊荒醉生無益於時死無聞於後是自棄也  
叅佐或以談戲廢事者命取其酒器蒲博之具投之江中將吏  
則加鞭朴曰樗蒲者牧豬奴戲耳老莊浮華非先王法言不可  
行也君子當正其衣冠攝其威儀何有亂頭養望自謂宏達耶  
張目不答

晉王述字懷祖性沉靜年三十未知人名或謂之癡司徒王導  
以門地辟為中兵屬既見無他言唯問在東米價述但張目不

答導曰王掾不癡人何言癡也嘗見導每發一言一坐贊美述  
正色曰人非堯舜何得每事盡善善導改容謝之謂庾亮曰懷祖  
清貞簡貴不減父祖但曠淡微不及耳

君侯信癡

晉謝萬字萬石才器俊秀簡文作相召為從事中郎萬嘗著白綸  
巾鶴氅裘履版而前與帝共談移日揚州刺史王述萬妻父也  
萬嘗著白綸巾乘平肩輿經述聽事前謂述曰人言君侯癡君  
侯信自癡述曰非無此論但晚合耳

還傳問吏

晉孟嘉字萬年庾亮領江西辟部廬陵從事嘉還郡亮問風俗  
得失對曰還傳當問吏亮舉麈尾掩口而笑謂弟翼曰孟嘉故  
是盛德人

三宜休

唐司空圖隱中條山王官谷作亭悉圖唐興節士文人名亭曰  
休休作文見志曰休美也既休而美且故量才一宜休揣分二  
宜休耄而曠三宜休又少也墮長也率老也迂三者非濟時用  
則又宜休自目為耐辱居士時盜賊所過殘暴獨不入王官谷

二宜去

唐孔戣為尚書左丞以老自乞韓愈曰公尚壯上三留何去之  
果戣曰吾豈要君者吾年一宜去吾為左丞不能進退郎官二  
宜去愈曰公無留資何恃而歸曰吾負二宜去尚奚顧子言

遊山飲酒

唐潘孟陽爲戶部侍郎憲宗詔視江淮財賦所至會賓客留連倡樂譽望大減後鄭敬宣慰江淮帝誡曰卿是行宣諭朕意毋若潘孟陽殫財費酣飲游山寺而已

坐鎮雅俗

姚崇嘗謁告十餘日政事委積盧懷謹不能決皇恐入謝於上上曰朕以天下事委姚崇以卿坐鎮雅俗耳

更置閑官

唐鄭虔玄宗愛其才以不事事更爲置廣文館爲博士虔不知廣文曹司詎宰相宰相曰上增國學廣文館以居賢者令後世言廣文博士自君始不亦美乎

苦吟廢事

孟郊字東野家貧受溧陽尉溧陽昔爲平陵縣南五里有投金瀨瀨南八里許道東有故平陵城多欂櫨合數十抱藜條蒙翳如塢如洞地窪下積水可活魚鱉東野得之忘歸或比日或間日乘驢領小吏經驀投金渚坐于積水之旁苦吟到日西而去曹務多弛廢令褊躁辯急不佳東野之爲立白上府請以他尉代東野分其俸以給之東野竟以窮去

陸龜蒙家書李賀小傳後

嗜酒廢事

王績字無功求爲六合丞以嗜酒不任事

古今文集

古詩

雜詩

劉公幹

職事煩填委文墨紛消散馳翰未暇食日昃不知晏沈沈薄領  
書回回自昏亂釋此出西城登高且游觀方塘含白水中有鳧  
與鴈安得肅肅羽從爾浮波瀾

有感

張朱

群兒鞭笞學官府翁憐兒笞傍笑侮翁出坐曹鞭復呵賢於群  
兒能幾何兒曹相鞭以為戲翁怒鞭人血流地等為戲劇誰後  
先我笑謂翁兒更賢

律詩

書王元之畫像側

歐陽永叔

偶然來繼前賢迹信矣皆如昔日言諸縣豐登少公事一家飽  
暖荷君恩想公風采常如在顧我文章不足論名姓已光青史  
上壁間容親任塵昏

事文類聚別集卷之二十二終

新編古今事文類聚別集卷之二十三

建安

祝穆

和父

編

金陵

唐富春

子和

梓

# 租賦

征商附

羣書要語什一天下之正中

通典

損上益下民說無疆

益卦

征

商市廛而不征法而不廛則天下之商皆悅而願出於其塗矣

孟子

有賤丈夫焉必求龍斷而登之以左右望而罔市利人皆

以為賤故從而征之征商自此賤丈夫始矣

同上

詩句

誰知扣君門令下寬征賦

杜

田毛樂寬征

韓



三代取民

夏后氏五十而貢殷人七十而助周人百畝而徹其實皆什一

魯之取民

魯宣公初稅畝杜預注公田之法十取其一今又履其餘畝復

十收一

聚歛之臣

季氏富於周公而求也為之聚歛而附益之子曰小子鳴鼓而攻之

二猶不足

哀公問於有若曰年饑用不足如之何對曰盍徹乎曰二吾猶

不足如之何其徹也曰百姓足君孰與不足百姓不足君孰與

貪如碩鼠

碩鼠刺重歛也國人刺其君重歛糞食於民不修其政貪而畏人若大鼠也魏風

保鄣繭絲

趙尹鐸守晉陽鐸曰保鄣乎繭絲乎

秦之取民

秦始皇內興功作外攘夷狄收太平之賦發閭左之戍董仲舒

曰秦用商鞅之法力役三十倍於古田租口賦鹽鐵之利二十

倍於古秦廢井田開阡陌食貨志秦頭會其歛之供軍費財力

秦言陳餘傳

漢除田租

漢高祖以蜀漢民給軍事勞苦復勿租稅一歲○漢文帝詔賜民田租今年之半景帝令民半出田租三十而稅一也

唐租庸調

唐太宗凡授田者丁歲輸粟二斛稻三升謂之租丁隨鄉所出歲輸租絹一疋綾絕二丈布加五之一綿三兩麻三升非蠶鄉則輸銀十兩謂之調用人之力歲二十日閏加二日不役者日為絹三尺謂之庸有事而加役二十五日者免調三十日者租調皆免通正役不過五十日水旱霜蝗耗十四者免其租桑麻盡者免其調田耗十之六者免租調耗七者諸役皆免之

唐青苗錢

代宗皇帝詔天下田一畝稅錢十五以國用急不及秋亦苗青則征之號青苗錢

上供送使留州

憲宗分天下之賦以為三一曰上供二曰送使三曰留州

作兩稅法

德宗時楊炎作兩稅法夏輸不及六月秋輸無過十一月通典

政相催科

陽城至道州治民如治家不以簿書介意課當上考功城自言曰撫字心勞催科政拙考下下

輸租增耗

五代漢王章為一司使往時民租石輸二升為鼠雀耗章增一

石輸二升爲二斗

荆公青苗法

荆公知明州鄞縣貸穀于民文息以償新陳相易興學校嚴保伍邑人便之熙寧所行之法皆本乎此然荆公知行於一邑則可不知行於天下不可也邵氏錄後司馬光范鎮李常孫覺程顥韓琦蘇軾爭言不便而罷矣見國史

文王不征以下係征商

文王之治岐也關市譏而不征

成王之征

周載師凡任地國宅無征園廬二十而一近郊十一遠郊二十而三甸稍縣都皆無過十二惟漆林之征二十而五宅不毛者

有里布田不耕者出屋粟民無職事者出夫家之征

武帝重歛

武帝初等商車又等緡錢又令民告緡者以其半與之注有不輸稅令民得告以半與之又師旅之後用度不足乃橫興賦歛權酒酤莞鹽鐵鑄白金造皮幣筭至車船租及六畜民力屈財用竭

唐德之征

唐陳京請稅富商錢德宗以趙贊判度支搜督甚峻諸道津會置吏閱商錢每緡稅二十竹木茶漆稅十之一以贍常平本錢屬軍用迫感不能備常平之積趙贊復請稅間架筭除陌及涇原兵及太呼長安市中曰不奪爾戶儻質不稅爾間架除陌矣

宋之寬征

宋太祖詔勿得苛留行旅齎裝除貨幣當輸筭外不得輒發篋  
搜索

不稅農器

真宗祥符間呂夷簡請免農器之稅

寧征商賈

仁宗慶曆間議欲弛茶鹽之禁及減商稅范仲淹以為茶鹽商  
稅之入但分商賈之利爾於商賈未甚有害也今國用未嘗  
入不可闕既不取之山澤及商賈必取之於農與其害農孰若  
取之商賈

置市易法

文彥博奏市易司遣官監賣果實有損國體斂民怨乞寢罷凡  
衣冠之家圖利於市摠紳清議尚所不容豈有大國皇皇求利  
而不為物議所非者乎王安石曰陛下不殖貨利豈於菓實收  
數千緡息以規利者直以細民久困於官中須索又為兼并所  
苦故為立法耳 通鑑

罷欄頭稅

孝宗朝或乞復置西溪欄稅上曰關市譏而不征去城五里之  
外豈可復欄稅 宋聖政紀

古今文集

雜著

捕蛇者說

柳宗元

永州之野產異蛇黑質白章觸草木盡死以齧人無禦之者然  
 得而腊之以為餌可以已大風孿跛癘去死肌殺三虫其始  
 太醫以王命聚之歲賦其二募有能捕之者當其租入求之人  
 爭奔走焉有蔣氏者專其利三世矣問之則曰吾祖死於是吾  
 父死於是今吾嗣為之二十年幾死者數矣言之貌若甚感者  
 余悲之且曰若毒之乎余將告子泣事者追若役復若賦則何  
 如蔣氏大戚汪然出涕曰吾將哀而生之乎則吾斯役之不幸  
 未若復吾賦不幸之甚也嚮不為斯役則父已病矣自吾氏三  
 世居是鄉積于今六十歲矣而鄉鄰之生日蹙殫其地之出竭  
 其廬之入號呼而轉徙饑渴而頓踣觸風雨犯寒暑呼噓毒癘  
 往往而死者相藉也曩與吾祖居者今其室十無一焉與吾父  
 居者今其室十無二三焉與吾居二十年者今其室十無四五  
 焉非死則徙爾而吾以捕蛇獨存悍吏之來吾鄉叫囂乎東西  
 墮突乎南北譁然而駭者雖雞狗不得而寧焉吾恂恂而起視  
 吾缶而吾蛇尚存則弛然而卧謹食之時而獻焉退而日食其  
 土之所有以盡吾齒蓋一歲之犯死者二焉其餘則熙熙而樂  
 豈若吾鄉鄰之旦旦有是哉今雖死于此比吾鄉鄰之死則已  
 後矣又安敢毒耶余聞而愈悲孔子曰苛政猛於虎也吾嘗疑  
 乎是今以蔣氏觀之尤信嗚呼孰知賦歛之毒有甚於是蛇者  
 乎故為之說以俟夫觀人風者得焉

古詩

重賦

白居易

厚地植桑麻所要濟生民生民理布帛所求活一身身外充征賦上以奉君親國家定兩稅本意在憂人厥初防其淫明勅內外臣稅外加一物皆以枉法論奈何歲月久貪吏得因循浚我以求寵歛索無冬春織絹未成疋繰絲未盈斤里胥迫我納不許暫逡巡歲暮天地閉陰風生破村夜深燈火盡霰雪白紛紛幼者形不蔽老者體無温悲喘與寒氣併入鼻中辛昨日輸殘稅因窺管庫門綿帛如山積絲絮似雲屯號為羨餘物隨月獻至尊奪我身上暖買爾眼前恩進入瓊林庫歲久化為塵

傷田家

聶夷中

二月賣新絲五月糶新谷醫得眼前瘡剗却心頭肉我願君王心化作光明燭不照綺羅偏照逃亡屋

織婦怨

文與可

擲梭兩肘倦踏籜雙足趺三日不住織一疋纔可剪織處畏風日剪時審刀尺皆言邊幅好自愛經緯密昨朝持入庫何事監官怒大字雕印文濃和油墨汚父母抱歸舍拋下中門下相看各無語淚迸若傾瀉質錢解衣服買絲添上軸不敢輒下機連霄停火燭當須了租賦豈暇恤襦袴前知寒切骨甘心扇盱露里胥踞門限叫罵嗔納晚安得織婦心變作監官眼

田家詞

元結

牛吒吒許角反田确确旱塊敲牛蹄趵趵音剝種得官倉珠顆穀六十年來兵簇簇月月之倉糧車轆轤一日官軍收海服驅牛駕

車食羊肉歸來收得牛兩角重鑄鋤作斤斲姑舂婦擔輸促促  
輸官不足歸賣屋農死有兒牛有犢不遣官軍糧不足

打麥

張舜民

打麥打麥彭彭魄魄聲在山南應山北五月大陽出東北纔離  
海嶠麥尚青轉到天心麥已熟鷓旦催人夜不眠竹鷄呼雨雲  
如墨大婦腰鎌出小婦具筐逐上壟先將青下壟已成東田家  
以苦乃爲樂敢憚頭枯面焦黑貴人薦廟已嘗新酒醴雍容會  
所親曲終饜飫勞童僕豈信田家未入唇盡將精如輸公賦次  
把斗升求市人麥秋正急又秧禾豐歲自少凶歲多田家辛苦  
可柰何將此打麥詞兼作插禾歌

野老歌

張籍

老翁家貧在山住耕種山田三四畝苗疎稅多不得食輸入官  
倉化爲土歲暮餓犁倚空室呼兒登山收橡實西江賈客珠百  
斛船中養大長肉食

田家行

王建

男聲欣欣女顏悅人家不怨言語別五月雖熟麥風清簷頭索  
索躁車鳴野蠶作繭人不取葉間撲撲秋蛾生麥收上場絹在  
軸的是輸得官家足不望入口復上身且免向城賣黃犢田家  
衣食無厚薄不見縣門身即樂

當窻織

王建

歎息復歎息園中有棗行人食貧家女大富家織翁毋隔墻不  
得力水寒手澁絲脆斷續來續去心腸爛草虫促促機下啼兩

日催成一匹半輸官上頭有零落姑未得衣身不着當認却羨青樓倡十指不動衣盈箱

### 治盜

偷盜

羣書要語赭衣半道群盜滿山

賈山至言

斬木為兵揭竿為旗

賈誼過秦論

大攻城邑小掠鄉里

咸宣傳

殲厥渠魁脅從罔治嗣

延及于平民罔不寇賊鳴義姦宄奪攘矯虔

呂刑

**偷盜**慢藏誨

盜易係

鼠竊狗偷

文集

探囊發篋

劉敞疏

推埋鼓鑄

秦觀文

**詩句**兵革身將老關河信不通

杜

涼風動萬里群盜正縱橫杜

託身白刃裏殺人紅塵中

李

軍旅西征急風塵戰伐多李天兵

宿西北狂兒尚稽誅

歐

已經百日竄荆棘身上無有完肌膚杜

**偷盜**何況親狂獄敲榜發姦偷

韓

偷兒夜探赤白丸蘇

### 古今事實

#### 萑符之盜

鄭子產有疾謂子太叔曰我死子必為政唯有德者能以寬服民其次莫如猛夫火烈民望而畏之故鮮死焉水懦弱民狎而玩之則多死焉故寬難疾數月而卒太叔為政不忍猛而寬鄭國多盜取人於萑音九符音蒲之澤澤名太叔悔之曰吾早從夫子不及此與徒兵以攻萑符之盜盡殺之盜少止仲尼曰善哉政寬則民慢慢則糾之以猛猛則民殘殘則施之以寬寬以濟猛猛以濟寬政以是和昭二十

#### 不穫民麥



宓子賤爲單父宰齊攻魯父老請曰麥熟請放民皆使出穫麥  
宓子不聽曰若使不耕者得穫是使民樂有寇也

家語

### 潢池弄兵

宣帝時渤海盜賊並起丞相御史舉龔遂召見對曰海瀕遐遠  
不霑聖化其民困於饑寒而吏不恤故使赤子盜弄陛下兵於  
潢池中耳今欲使臣勝之耶將安之也曰選用賢良固欲安之  
也遂至渤海移書屬縣悉罷捕盜賊吏有持鉏鉤田器者皆爲  
良民吏無得捕盜賊悉平民安土樂業民有帶持刀劍者使賣  
劍買牛賣刀買犢曰何爲帶牛佩犢

### 探赤白丸

漢尹賞成帝時長安少年群輩殺吏相與探丸爲彈得赤丸者  
斫武吏得黑丸者斫文吏白者主治喪城中薄暮塵起剽劫行  
者死傷橫道賞以選守長安令修治獄穿地方深數丈以犬石  
覆其口名爲虎穴乃部吏舉長安輕薄惡子得數百人分行收  
捕賞親閱見十置一其餘盡以次內虎穴中覆以大石數日一  
發視皆死瘞寺門栢東揭著其姓名百日後令死者家發取其  
尸長安爲之語曰安所求死子栢東少年塲生時諒不謹枯骨  
後何葬

**注**

栢聲如和今猶謂之華表卽和表也

### 綠林赤眉

王莽末民並起爲盜賊王鳳馬武王常成丹共聚藏綠林山中  
至七八千人樊崇起兵一歲間三萬餘人恐其衆與莽兵亂乃  
皆赤其眉以相識別後馮異擊破之

焚書安反側

後漢光武拔邯鄲誅王郎收文書得吏人與郎交關毀謗者數千章光武不省會諸將燒之曰今反側子自安

黃巾之寇

靈帝時鉅鹿張角以妖術教授徒眾數十萬皆著黃巾以為幟幟故時人謂之黃巾賊帝遣盧植皇甫嵩集討賊戰大敗之

賊不入境

後漢韓韶太山賊舉偽號連年不能破韶以三府掾選為麻長賊聞其賢不人其境餘縣多被寇盜流入縣界者甚眾韶開倉賑之主者爭謂不可韶曰長活溝壑之人以此得罪含笑入地矣太守聞韶德竟無所坐

單車降賊

張綱傳廣陵賊張嬰寇亂十餘年朝廷不能討大將軍梁冀怨綱曾奏已以為廣陵太守欲因事中之綱單車之職徑造嬰壘申示國恩嬰初大驚既見綱誠信皆拜泣曰荒裔愚人不堪侵柱相聚偷生若魚遊釜中喘息須臾間其實恐投兵之日不免拏戮綱約之以天地誓之以日月嬰乃降綱在郡卒年三十六綱病吏人咸為祠祀祈福言千秋萬歲何時復見此君張嬰等制服行喪

以舌擊賊

晉朱伺字仲文為江夏騎督時西陽夷賊抄掠太守陽岷每請督將議拒賊計伺獨不言岷曰朱將軍何以不言伺曰諸人以

力擊賊伺惟以舌耳

姊妹遇盜

唐奉天竇氏二女生長草野幼有志操永泰中群盜數千人剽掠其村落二女皆有容色長者年十九幼者年十六匿巖穴間曳出之驅追以前臨壑谷深數百尺其姊先曰吾寧就死義不受辱即投崖下而死盜方驚駭其妹繼之自投折足破面流血群盜乃捨之而去

兄弟遇盜 見兄弟門

黃巢之亂

黃巢募眾數千以應王仙芝轉寇河南十五州眾遂數萬入斬黃北掠齊魯入鄆滔沂驅河南山南之民十餘萬掠淮南寇浙東踰江西破虔吉饒信等州因刊山開道七十里直趨建州後路圍福州是時閩地諸州皆沒陷桂管進寇廣州破潭州攻鄂州轉掠江西再入饒信杭州眾至二十萬攻臨安戍將董昌兵寡不敢戰伏弩射殺賊將賊駭乃還殘宣歙等十五州廣明元年陷睦婺二州濟采石侵揚州悉眾渡淮犯申光穎宋徐兗等州陷東都張承範以疆弩三千防關巢攻關齊克讓戰關外俄而巢至師大呼川谷皆震巢乘黃金輿衛者繡袍華幘騎士數十萬先後之陷京師自奉明門升太極殿僭即位號大齊求袞冕不得繪弋綈為之取廣明判其文曰唐去丑口而著黃明黃當代唐明年李克用破巢於渭南四年二月克用追巢敗之擒巢愛子巢計感謂林言曰若取吾首獻天子言不忍巢乃自刎

不殊言因斬之函首獻行在

吏貪致盜

淳化間彭山縣令齊元振者貪暴苦民王小波剖其腹實之以錢蓋苦其誅求無厭也衆推其妻弟李順爲帥入成都僭號王繼恩討平之

化賊爲民

張詠知益州時四郊多壘城門盡閉王繼恩嘗送三十輩請詠治之詠悉令歸農業繼恩怒詠曰前日李順脅民爲賊今日詠與公化賊爲民何不可哉

敗儂智高

廣西源州蠻儂智高反陷十餘州命狄青討儂智高青敗智高

於歸仁輔

詳見上元門

敗范汝爲

達州民范汝爲作亂詔孟庾宣撫韓世忠副之次福州福帥程遇請世忠曰宜少休以俟元夕世忠曰吾以元夕凱旋見公矣次年春破殺賊衆范汝爲自縊死

盜能却兵

以下係偷盜

齊興兵伐楚子發帥師以當之兵三却楚盡用其計齊師愈強於是市偷進請曰臣有薄伎子發諾而遣之偷則夜解齊將軍之幃子發使人歸之明日又取其枕子發又歸之明日又取其簪子發又歸之齊師大駭將軍曰今日不去楚軍恐取吾頭乃還師而去

雖賞不竊

季康子患盜問於孔子孔子對曰苟子之不欲雖賞之不竊語

雞鳴狗盜

見賓客門

偷長擒盜

張敞守京兆尹市偷盜多敞乃召偷盜酋長數人見之責問因貫其罪令致諸盜以自贖偷長曰今一旦詣府恐諸偷驚駭願權補吏職敞皆以為吏遣歸休置酒小偷悉來賀各飲醉偷長以赭汚其身衣裾吏坐里閭閱出者汚赭輒收縛之一日捕得數百人盡行法罪由是市無盜賊

梁上君子

陳寔在鄉閭平心宰物為太丘長有盜夜入其室止於梁上寔命子孫訓之曰不善之人未必本不慈習與性成如梁上君子是也盜驚自投地寔徐譬之曰視君狀貌不似惡人宜深克已反善然當由貧今遺綯二疋自是一縣無復竊盜

殺賊不顧子

後漢橋玄為太尉以疾罷少子十歲獨游門次卒有三人劫之登樓就玄求貨有頃司隸率河南尹至恐并殺其子不欲迫之玄瞑目曰姦人無狀玄豈以一子之命而縱國賊乎促令兵進玄子亦死玄乞天下凡劫質皆并殺之不得贖以財寶京師劫質不避豪貴於此遂絕

操刀捕賊

吳孫堅年十七與父共載至錢塘會海賊掠取賈人財物於岸

上堅操刀上岸東西指麾若分部羅遮賊狀賊見以為官兵捕之散走堅追斬一級父大驚

拊床盜墮

晉祭齋有勇氣聲若震雷嘗有二偷入室齋拊床一呼二盜俱墮故商浩委以軍鋒焉

可置青氈

王獻之常夜卧齋中有偷人入其室盜物都盡獻之徐曰偷兒青氈我家舊物可特置之群盜驚走

盜笋及菜

宋會稽郭原平宅上種竹夜有盜其笋者奔走墜溝乃於溝上立小橋令通鄰里慚愧 武康沈道虔見人竊其園菜乃自隱

逃有竊園後大笋令人止之曰此欲成林買大笋送與之盜者慚不敢取

罰偷埽街

齊王敬則為吳興守錄得一偷令偷身長埽街路久之令舉舊偷自代諸偷恐皆走境內以清

牆壞致盜

宋有富人大雨牆壞其子曰不築必將有盜暮而果大亡其財韓非說難

婦能擊盜

唐鄭義宗妻盧氏略涉書史事舅姑甚得婦道嘗夜有強盜數十持杖鼓噪踰垣而人家人悉奔竄惟有姑自在室盧肩白刃

事類彙編卷之二十三 十五 德壽堂  
往至姑側為賊捶擊幾死

盜沒為官戶

隋麥鐵杖驍勇有膂力日行五百里走及奔馬陳建中為群盜廣州刺史歐陽願俘之以獻沒為官戶配執御傘每罷朝後行百餘里夜至南徐州踰城而入行光火劫盜且還及時仍又執傘如此者十餘度物主識之州以狀奏帝惜其勇捷誠而釋之煬帝朝與賊戰死

執偷而榜

晏元獻公剛峻簡率盜入其第執而榜之既委頓以送官扶至門即死出言行錄

託鍾辯盜

陳述古密直知建州蒲城縣時人有失物捕得莫知的為盜者述古乃給之曰某廟有一鍾能辯盜至靈使人迎置後閤祠之引群囚立鍾前自陳不為盜者摸之則無聲為盜者摸之則有聲述古自率同職禱鍾祭甚肅祭訖以帷圍之乃陰使人以墨塗良久引囚逐一令引手入帷摸之出乃驗其手皆有墨惟有一囚無墨訊之遂承為盜蓋恐鍾有聲不敢摸也此亦古之法出於小說筆談

取劍斷盜足

柳開字仲塗幼警悟豪勇父顯德末為南縣令有盜入其室眾不敢動開年十二亟取劍逐之盜踰垣開揮劍斷其足二指

古今文集

事類彙編卷之二十三

卷之二十三

十五

德壽堂

雜著

齊司寇對

程安

齊境多寇司寇不理景公召司寇讓之及諍公曰請理君朝廷之寇也公曰君廢其職反責我欲辭其責也曰不然君不聞鼯鼠之牙乎食人與百類雖齒盡而不痛俗謂之其口鼠也魯國之牛聞食其角矣請以是諷焉牛之寢斲有蚊蚋撓其虜毛必知鼓耳搖尾以揮之及鼯鼠食之即不知痛也鼠之一牙豈不甚於蚊蚋千嗜乎以其口其雖貫心徹骨而不知也况其角乎公誠取臣以司寇請司朝廷之寇然後司封疆之寇也朝廷之寇其鼯鼠乎食君之角矣又將貫骨與心也是患大而君不知也封疆之寇蚊蚋乎但撓君之虜毛耳君將鼓耳搖毛而揮之是患小而不知大也臣所以急其大而不知慢其小而得知也景公不喻竟坐司寇以不事晏子曰司寇死田氏為鼯於齊矣

律詩

閩慶州趙縱使君與党項戰死

杜牧

將軍獨乘鐵騾馬榆溪戰中金僕姑死綏却是古來有驕將自驚今日無青史文章爭點筆朱門歌舞笑捐軀誰知我亦輕生者不得君王丈二殳

皇祐中儂賊犯慶州闔郡潰去惟守臣曹覲死之妻

万產子棄之草間亂後訪之尚呱呱然

元厚之

轉戰譙門日欲晡空拳猶自把戈鈇身乘虎凶方安坐命在鴻



毛更疾呼柱下杲卿存斷節袴中杵白得遺孤空餘三尺英雄氣不愧西山大丈夫

詩話

作詩贈賊

李涉嘗過九江皖口遇盜問何人從者曰李博士也其豪者曰若是李涉博士不用剽奪久聞詩名願題一篇足矣涉贈一絕曰春雨蕭蕭江上村綠林豪客夜知聞他時不用相迴避世上如今半是君

古詩以下係偷盜

次韻子瞻送顧子敦河北運使

黃魯直

儒者給事中顧公甚魁偉經明性行河平昔以經明禹貢使行

河商畧頗應史勞民又費之國計安能已成功渠有命得人斯可喜似聞阻飢餘惡少驚閭里啓鑰探銖金奪懷取姝美部中十盜發一二書奏紙西連魏三河東盡齊四履此豈小事哉何但徒治水使民皆農桑乃是真儒耳

寄盧仝

韓愈

玉川先生洛城裏破屋數間而已矣有奴長鬚不裹頭有婢赤脚老無齒云昨夜長鬚來下狀隔牆惡少惡難似每憑屋山下窺瞰渾舍驚怕走折趾憑依婚媾欺官吏不信令行能禁止先生受屈未曾語忽此來告良有以嗟我身為赤縣令操權不用欲何竅立召賊曹呼五百俗呼行杖人為五百盡取鼠輩尸諸市先生又遣長鬚來如此處置非所喜况又時當長養節都邑未可猛

政理先生固是余所畏度量不敢窺涯涘放縱是誰之過歎效  
尤戮僕愧前史買羊沽酒謝不敏偶逢明月輝桃李先生有意  
許降臨更遣長鬚致雙鯉

里翁行

陳去非

里翁無人支緩急天雨壞墻百憂集賣衣雇人築得墻不慮偷

兒披戶入夜寒于敵

左襄二十八年注

以夜行也

不經過偷

兒若來知柰何君不見巴丘古城如培塿魯肅當年萬人守

新編古今事文類聚別集卷之二十三終

新編古今事文類聚別集卷之二十四

建安

祝穆

和父

編

金陵

唐富春

子和

刊

人事部

慕名

辭名附

羣書要語君子萬夫之望

易係

高山仰止景行行止

申

如圭

如璋令聞令望

卷阿

是以有譽處兮

莫

景行先哲

孝經

君子

疾沒世而名不稱焉

季氏

令聞廣譽施於身所以不願人之文

繡也

孟子

令名德之輿

左宣

君子務積於身則貴名起之如日

月

荀儒效

講聞高義之日久矣

漢武制策

竊高下風之行

鄒陽

書政自已出天下想聞其風采霍光傳天下之士得一識面者

退誇於人以爲榮至於游談布衣之賤往往竊門下之名歐集

見面不如聞名傳燈錄辭名名公器也不可多取莊子大名之

下難居越世家

城中好高髻四方高一尺城中好廣眉四方且半額城中

好大袖四方全疋帛東漢馬廖傳誰能齊嶺岑揖君山嶽德孟

落月升屋梁猶疑見顏色杜名高海曲人所慕荆公平生執鞭

最欣慕山谷辭名漸喜交游絕幽居不用名杜何須身後千載

名李直以踈傭招物議休將文字占時名韓苦藏難沒是詩名

坎白頭寧復要時名后山

古今事實

學孔希顏

孟子曰乃所願則學孔子也孫丑楊子曰希顏之人亦顏之徒學

捧心效顰

師金曰西施病心而曠其里之醜人見而美之歸亦捧心而曠

其里之富人見之堅閉門而不出貧人見之挈妻子而去之莊

慕蘭

司馬相如慕蘭相如之爲人更名相如

季諾

曹丘生曰楚諺曰得黃金百斤不如得季布一諾足下何以得

此聲於梁楚之間哉

暴公威名

事文類聚別集

卷之二十四

一

德壽堂梓

暴勝之為直指使素聞雋不疑賢至渤海遣吏請與相見不疑  
冠進賢冠帶褊具劔珮環玦褒衣博帶盛服至門上謁勝之開  
閣延請望見不疑容貌尊嚴衣冠甚偉勝之躡履起迎登堂坐  
定不疑據地曰竊伏海濱聞暴公子威名舊矣今乃承顏接詞  
凡為吏太剛則折太柔則廢威之以刑施之以恩然後立功揚  
名永終天祿勝之敬納其戒

不見黃生 見別離門

登龍門

李膺獨持風裁以聲名自高士有被其容接者名為登龍門

得御李君

李膺性簡亢無所交接南陽樊陵求為門徒荀爽嘗謁膺因為

其御既還喜曰今日得御李君矣其見慕如此

林宗巾

郭林宗遇雨巾一角墊時人乃故折一角以為林宗巾其見慕  
如此

所敬數賢

陳矯李弼謂陳登曰遠近之論謂明府驕而自矜登曰夫閨門  
雍穆有德有行吾敬陳元方兄弟淵源玉潔有禮有法吾敬華  
子魚清修疾惡有識有義吾敬趙元達博聞強記奇材卓犖吾  
敬孔文舉雄姿傑出有王霸之略吾敬劉元德餘子瑣瑣焉足  
錄所敬如此何驕之有 呂布傳

披露觀天

事文類聚卷之二十四 三  
衛瓘見樂廣而奇之曰此人之水鏡見之瑩然若披雲霧而觀青天也

欲識莫致

陶潛江州刺史王弘欲識之不能致潛常往廬山弘今潛故人寵通之齋酒於半道要之及至欣然共飲

會坐不相識

晉荀鳴鶴陸士龍二人未相識因會張華華以其並大才謂曰今日相見可勿作常語陸舉首曰雲間陸士龍荀答曰日下荀鳴鶴陸曰既開青雲覩白雉何不張爾弓挾爾矢張曰荀何遲荀曰本謂是雲龍駸駸今乃山鹿野麋獸微弩強是以發遲一坐撫掌

名譽晚衰

周顛以雅望獲海內盛名後頗以酒失庾亮曰周侯末年所謂鳳德之衰者也

掩鼻效詠

謝安本能爲洛下書生詠有鼻疾故其音濁名流愛其詠而弗能及或掩鼻以效之

願出其門

韓愈上宰相書曰惴惴焉惟恐不得出大賢之門

泰山北斗

自韓愈沒其言盛行學者仰之如泰山北斗

本贊

景星鳳凰

事文類聚卷之二十四 三  
德壽堂

韓愈與李渤書朝廷之事引領東望若景星鳳凰之始見爭先觀之為快哉

紫芝眉宇

房琯每見元德秀歎曰見紫芝眉宇使人名利之心都盡

爭令出門下

柳子厚名聲大振一時皆慕與之交諸公要人爭欲令出我門下交口薦譽之墓誌

盧前王後

王勃與楊盈川盧照鄰駱賓王皆以文章齊名天下稱王楊盧駱盈川嘗曰吾愧在盧前耻居王後

草木知名

德宗徙張萬福為豫州刺史曰先帝改爾名止者所以褒也朕謂江淮草木亦知爾威名因復賜舊名

名下無虛

閻立本見張一繇舊畫曰名下定無虛士國史館錄

至洛先訪

邵康節居洛士人之道洛者有不入公府而必之先生之廬墓誌

婦孺知名

司馬公光上疏論新法逆陳其利害曰後當如是行之十年餘無一不如公言者天下傳誦以公為真宰相雖田父野老皆號司馬公而婦人孺子知其為君實也行狀坡詩云兒童誦君實

走卒知司馬

名聞宮禁

王樞密疇之夫人梅鼎臣之女也景德初樞密副使梅夫人入萬壽宮內太后問夫人誰家子對曰梅鼎臣女太后笑曰是聖俞家乎由是始知聖俞名聞於宮禁也 歸田錄

解紛辭賞 以下係辭名

管仲連為趙郤秦軍欲封仲連仲連辭謝曰所貴於天下之士非患難解紛亂而不取也即有取者是商賈之事連不忍為也遂辭平原君而去

大名難居

范蠡與勾踐既滅吳以大名之下難以久居為書辭王曰主憂臣勞主辱臣死昔君辱於會稽所以不死為此事也今既雪恥請從會稽之誅勾踐曰孤將與子分國而有之不然將加誅於子蠡曰君行令臣行意乃裝其輕寶珠玉乘舟浮海終不反勾踐表會稽山為蠡奉邑蠡浮海出齊變姓名鴟夷子皮耕于海畔父子治產居無幾何致產數千金齊人聞其賢以為相曰居家則致十金居官則致卿相布衣之極也久受尊名不祥乃歸相印間行以去止于陶 云云

賣藥避名

後漢韓康字伯休賣藥長安市時有女子從康買藥康守價不移女子怒曰公是韓伯休耶乃不二價乎康歎曰我本欲避名今小女子皆知我何用藥為 逸民傳

恐名太盛

恐名太盛

王儉幼篤學手不釋卷賓客或相稱美僧虔曰此兒不患無名將恐名太盛耳

身不可見

宋纖有遠操不與世交馬岌高尚之士具威儀造焉纖拒而不見岌歎曰名可聞而身不可見德可仰而形不可覩吾今而後知先生矣

名不可取

白居易云古人云名者公器不可以多取僕是何者竊時之名已多又欲竊時之富貴為造物者肯兼與之乎况詩人命蹇如陳子昂杜甫各授一拾遺而已

造物忌名

陳搏隱華山幼時戲涓水一青衣媪抱置懷中乳之曰令汝更無嗜欲聰悟過人先生嘗戒門人种放曰子他日遭逢明主名動天闕名者古今美器造物者深忌之天地間無完名子名將有物敗之放晚節侈飾過度營產滿雍驕閭遂喪清節

王壺清話

醉人推罵

蘇軾曰得罪以來深自閉塞扁舟草屨放浪山水間與漁樵雜處往往為醉人所推罵輒自喜漸不為人識平生親友無一字見及有書與之亦不答自幸庶幾免矣

東坡回李端叔書

古今文集

雜著

與韓荆州書

李白



白聞天下談士相聚而言曰生不用萬戶侯但願一識韓荆州  
 何令人之景慕一至於此耶豈不以有周公之風躬吐握之事  
 使海內豪俊奔走而歸之一登龍門則聲譽十倍所以龍盤鳳  
 逸之士皆欲收名定價於君侯願君侯不以富貴而驕之寒賤  
 而忽之則三千賓中有毛遂使白得脫穎而出即其人焉今天  
 下以君侯為文章之司命人物之權衡一經題品便作佳士而  
 君侯何惜階前盈尺之地不使白揚眉吐氣激昂青雲耶白謀  
 猷籌畫安能盡矜至於制作積成卷軸則欲塵穢視聽恐雕蟲  
 小技不合大人若賜觀芻蕘請給以紙墨兼人書之然後退歸  
 閑軒繕寫呈上庶青萍結綠長價於薛下之門

盛名難居

房瑄贊曰唐名臣多言瑄德器有王佐材而史載行事亦少貶  
 矣一舉喪師訖而復振原瑄以忠義自奮片言悟主而取宰相  
 必有以過人者特違所長遂無成功然盛名之下為難居矣夫  
 名盛則責望備實不副則訾咎深使瑄遭時承平從容帷幄不  
 失為名宰而倉卒濟難事敗隙生陷於浮虛比周之罪名之為  
 累也戒哉

律詩

獻僕射相公

薛能

清如水玉重如山百辟嚴趨禮絕攀強虜外聞須破膽平人長  
 說盡開顏朝廷有道青春好門館無私白日閑致却垂衣更何  
 事幾多詩句詠間關

# 迎候

**羣書要語**主人肅容而入曲禮僮僕歡迎稚子候門陶集趨拜

**送迎**韓信傳

**詩句**踈慵寡將迎柳過家父老喜出郭壺漿迎坡世人無往復

鄉老有邀迎坡客至從嗔不出迎杜昔年結客曾遊處今見焚

香夾道迎歐道左旌旗諸將列馬前弓斂六蕃迎歐

## 古今事實

敢犒從者

寡君聞吾子將步師出於敝邑敢犒從者不腆敝邑為從者之

俺居則具一日之積行則備一夕之衛行義二十一

## 避席爭席

莊子曰陽子居西遊於秦遇老子老子曰而睢睢而盱盱而誰

與居太白若辱盛德若不足陽子居蹙然變容其往也舍者將

迎其家公執席妻執巾櫛舍者避席煬者避竈言其尊形自變

故避之其反也舍者與之爭席矣去其矜夸故也

## 虛左自迎

魏公子信陵君置酒大會賓客坐定從車騎虛左自迎侯生侯

生直上載公子上坐不讓公子執轡愈恭侯生曰臣有客在市

屠中願往車騎過之公子引車入市侯生下見其客朱亥故久

立語微察公子顏色愈和乃就車酒酣侯生曰今日贏之為公

子亦足矣贏乃夷門抱關者也公子自迎於眾人廣坐之中欲

就公子之名故又立公子市中人皆以羸為小人以公子為長者也侯生因進朱亥曰屠者朱亥賢者舉世莫能知故隱屠間

耳史記

負弩前驅

漢司馬相如武帝時邛笮君長願為臣妾請吏比南夷上拜相如為郎將建節往使至蜀太守以下郊迎縣令負弩矢先驅蜀人以為寵

謝絕迎者

主父偃為齊相君昆弟賓客散五百金與之曰始貧時昆弟不我內今吾相齊諸君迎我或千里吾與諸君絕矣無復入偃門

竹馬郎迎

郭伋為刺史行部到西河美稷有兒童數百各騎竹馬於道次迎拜曰聞使君到故喜來迎

故友親迎

范式為荊州刺史友人南陽孔嵩家貧親老乃變姓名傭為新野阿里街卒式行部到新野而縣選嵩為道驛迎式式見而識之呼嵩把臂謂曰非孔仲山耶對之嘆息語及平生勅縣代嵩嵩以為先傭未久不肯去

華嶠後漢

倒屣出迎

蔡邕見王粲而奇之時邕才學顯著貴重朝廷常車騎填門富客盈坐聞粲在門倒屣迎之

後漢

逢迎

段會宗傳康居太子欲降漢遣衛司馬逢迎

迎廷

唐王諤傳回鶻入朝諤悉軍迎廷

于放反迎也

望塵迎拜

石崇與潘岳詣事賈謐每候其出輒望塵雅拜

本傳

門生出迎

見門生門

迎一逢掖

皇甫規歸安定曰王符在門規素聞符名乃驚遽而起衣不及帶屣履出迎接符手而還與同坐極歡先是鴈門太守至規不禮時人為之語曰徒見二千石不如一逢掖

責不郊迎

竇參按江淮獄揚州節度使陳少游偃蹇不郊迎遣軍吏致問參厲辭譙責少游慙往謁參參不顧即去

古今文集

雜著

送鄭尚書序

韓愈

嶺之南其州七十其二十二隸嶺南節度府其四十餘分四府府各置帥然獨嶺南節度為大府大府帥如至四府必使其佐問起居謝守地不得即賀以為禮歲時必遣賀問致水土物大府帥或道過其府必戎服左握刀右屬弓矢帕首袴鞞迎于郊

送幽州李端公序

韓愈

元年春今相國李公藩為吏部員外郎愈嘗與偕朝道語幽州

司徒公劉儕之賢曰某前年被詔告禮幽州入其地迂勞之使里至每進益恭及郊司徒公紅帕首鞞袴握刀左右雜佩弓鞞服矢插房俯宜迎道左某禮辭曰公天子之宰禮不可如是及府又以其服即事某又曰公三公不可以將服承命及館又如

是卒不得辭云云今李公既朝夕左右端公歲時來壽其親端公李益也宰相暎之子登進士第幽州劉濟辟為從事其為人佐甚思意欲司徒公功名流千萬歲請以愈言為使歸之獻律詩

自成都召還華山寄陳希夷 張復之  
世人大抵重官榮見我西歸夾道迎應被華山高士笑天真喪盡得虛名

### 餞送

**羣書要語**大馭掌馭王路以犯及祀輒夏官祖而舍輒飲酒於其側曰餞重始有事於道也左傳祖道之際是作一土堆置大羊於其上祭畢而以車碾從上過象行者險阻之患如周禮祀輒是也又云祭畢則以胙肉食之謂之餞禮用兵時用犯軍法當斬底人斬於路却兵過其中朱語錄百兩將之詩送朋友以言餞行谷永與段會宗書子交手兮東行送美人兮南浦九歌春草碧色春水綠波送君南浦傷如之何江淹別賦長安東灞橋迎來送去皆至此故呼為銷魂橋開元遺事漢朝卿士供帳餞於東都晉國名賢傾城祖於西郭陳子昂集

**詩句** 傾城遠追送餞我千里道 孫子荆征西詩 六樂陳廣坐祖

帳揚春風 鮑明遠 衣冠列祖道 劉長卿 二天開寵餞五馬爛生

光 朴 邊城有餘力早寄從軍詩 朴 題詩得秀句札翰時相投 朴

為問南溪竹抽梢合過墻 朴 臨分出苦語願子書之笏 坡 惟應

故山夢隨子到吾廬 坡 如何風雪裏更逞獨歸人 坡 南鴈正北

來早寄詩千首 山谷 南尋禹穴見李白道甫問訊今如何杜鳴

笛急吹催落日清歌緩送感行人 韓 若見孟公投轄飲莫忘衝

雪送君行 坡 憑君說與鬚叅軍衰鬢相逢不相識 坡 肯燈白酒

留故人莫愛一醉至曉角 山谷

**古今事實**

**祖道神**

黃帝之子累祖好遠遊而死於道故後人祭以為行神也祖祭

因饗飲也 共工氏曰修好遠遊祀以為神祖漢以午日祖

餞以百壺

韓侯出祖出宿于屠顯父餞之清酒百壺 **注** 祖將去而犯軼也

既觀而反國必祖者尊其所往去則如始行焉祖於國外畢乃

出宿 韓奕

**送人以言**

孔子適周見老子辭去老子曰吾聞富貴者送人以財仁人者

送人以言吾不能富貴切仁人之號聰明深察而近於死者好

議人者也博辯廣大而危其身者好祭人之惡者為人子者不

可以有已為人臣者不可以有已 史記

遠行以贖 見辭受門

六卿郊餞

鄭六卿餞宣子于郊 昭十六

送荆軻

荆軻將行太子及賓客知其事者二十餘人皆白衣冠以送之至易水之上既祖取道高漸離擊筑荆軻和歌以濮上聲士皆流涕 春秋後語

祖二踈 見致仕門

客歌驪駒 見燕飲門

不許出郭

陳蕃為豫章太守性峻不接賓客徵為尚書令送者不出郭 不過虎溪 見道士門

追送出界

郭奕字大業為野王令羊祜常過之奕歎曰羊叔子何必減郭大業少選復往歎曰羊叔子去人遠矣遂送祜出界數百里坐此免官 晉史

為鬼揶揄

羅友答桓温曰旦出門逢一鬼大揶揄云我祇見汝送人作郡何以不見人送汝出郡 世說

自送吏部

宋何尚之自彥德為吏部郎告休定省傾朝送別其父叔度曰此是送吏部郎耳非關何彥德也

共到前亭

王奐為漢陽太守范丹於道侯別之奐曰可共到前亭宿息以叙分隔謝承後漢書

送不越閫

齊沈顛不尚浮華從叔敦仕宋貴顯每還吳興賓客填茵顛不至其門敦就之顛送迎不越閫敦曰吾今乃知貴不如賤也

並不出門

城陽太守梁柳皇甫謐從姑子也之官有勸謐餞之謐曰柳為布衣送迎不出門食不過糲粟貧不以酒肉為禮今作郡送之是貴城陽太守而賤柳豈中古之人情非吾心所安也

遭劾亦送

唐陽憲為京兆尹御史中丞李夷簡劾之貶臨賀尉獨所善客徐晦至監田慰餞權德輿曰君送臨賀誠厚無乃為累乎晦曰方布衣時臨賀知我今忍遽棄邪有如公異時為姦邪譖斥又可爾乎夷簡聞之表為御史曰君不負楊臨賀肯負國乎

賦詩祖道

張柬之投襄陽刺史中宗為賦詩祖道又詔羣臣餞定鼎門外

百官班餞

李光顏復還忠武宰相百官班餞帝御通化門臨送

羣公追餞

柳宗元送苑論登第歸序羣公追餞於灞陵列筵而觴送遠之賦圭璋交映矣



送別遭劾

東坡出知杭州道由南京后山時為徐州教授告徐守孫覺願  
往見而覺不之許乃託疾謁告來南京送別同舟東下至宿而  
歸後為劉安世所彈

古今文集

古詩

送柳淳入關

孟郊

青山輾為塵白日無閑人自古推高車爭利西入秦王門與侯  
門待富不待貧空齋一束書獨濟誰相親

山中送從叔簡

孟郊

莫以手中穠言邀世上名莫以山中迹久向人間行松柏有霜

撼風泉無俗聲應憐枯朽質驚此別離情

送韓愈從軍

孟郊

志士感恩起變衣非變性親賓改舊觀僮僕生新敬坐作群書  
吟行為孤劍詠始知出處心不失平生正淒淒天地秋凜凜軍  
馬令驛堊時一飛物色極四靜王師既不戰廟畫在無競王繫  
有所依元瑜初應命一章諭微明百萬心氣定今朝旗鼓前笑  
別丈夫盛

送石洪處士往河陽幕

見隱逸門詩話

送李礎判官歸湖南

韓愈

長沙入楚深洞庭值秋晚人隨鴻鴈少江共蒹葭遠歷歷余所  
經悠悠子當返孤游懷耿介旅宿夢婉婉風土雅殊音魚蝦目

異飯親交俱在此誰與同息偃

送蘇公知杭州

陳無已

平生羊荆州追送不作遠豈不畏簡書放麀誠不忍一代不數  
人百年能幾見昔如馬口街今作禁門鍵一雨五月涼中霄大  
江蒲風帆日力短江空歲年晚

謂遲暮不及再見也

送河南皇甫少尹赴絳州

劉禹錫

祖帳臨周道前旌指晉城午橋群吏散亥字老人迎詩酒每同  
樂別離方見情從茲洛陽社吟詠欠書生

送遠八

張籍

日日望鄉國空歌白紵詞常因送人處憶得別家時失意還獨  
語多愁自不知客亭門外柳折盡向南枝

送人南中訪舊知

喻坦之

春盡火方遊思君便白頭地蒸川有毒天暖樹無秋水接三巴  
險猿分五嶺愁為緣知己分南國必淹留

送揚子

岑參

斗酒渭城邊壚頭耐醉眠梨花千樹雪楊葉萬條煙惜別添壺  
酒臨岐贈馬鞭看君頽上去新月到家園

送蕭李二郎中兼中丞充京西京北覆糧使

岑參

霜簡映金章相輝同舍郎天威巡虎落星使出駕行樽俎成全  
策京城聞見糧歸來虜塵滅畫地奏明光

送人赴安西

上馬帶吳鉤翩翩度隴頭小來思報國不是愛封侯萬里鄉為

慶三邊月作愁早須清黠虜無事莫經秋

奉送裴司徒令公自東都留守再命太原 劉禹錫

星使出關東兵符賜上公山河歸舊國管籥換離宮行色旌旗  
動軍聲鼓角雄愛棠餘故吏騎竹見新童漢壘三秋靜胡沙萬  
里空其如天下望旦夕詠清風

送令狐相公自僕射出鎮南梁 劉禹錫

夏木正陰茂戎裝出帝京沾襟辭闕淚回首別鄉情雲樹褒中  
路風煙漢上城前旌轉谷去後騎踏橋聲久願頰行重無嫌虎  
節輕終當持一筆再入福蒼生

陽關三疊 王維

渭城朝雨裊輕塵客舍青青柳色新勸君更盡一杯酒西出陽

關無故人

送李侍郎赴常州 賈至

雪晴雲散北風寒楚水吳山道路難今日送君須盡醉明朝相  
憶路漫漫

送呂晦叔赴河陽 程伯淳

曉日都門颺旆旌晚風饒吹入三城知公再為蒼生起不是尋  
常刺史行

送司馬君實 程伯淳

二龍閑卧洛波清今日都門獨餞行願得賢人均出處始知深  
意在蒼生

新編古今事文類聚別集卷之二十四終

新編古今事文類聚別集卷之二十五

建安

祝穆

和父

編

金陵

唐富春

子和

梓

人事部

# 行旅

羣書要語旅瑣瑣注瑣細小也最處下極寄旅不得所安而為

厮賤之役所取致災旅卦旅即次懷其資得僮僕貞同上旅而

無所容故受之以巽巽者入也注旅而無所容以巽則得所入

也序卦載脂載牽還車言邁泉水星言夙駕定之方中今者關

然數日不見車馬有行色莊盜跖適百里者宿舂適千里者三

月聚糧莊子 跋履山川踰越險阻左成二十 征夫勞于周行楚

詞 僕夫悲予懷兮馬蜷局而不行楚詞 目既西頽車殆馬煩洛

神賦 裹足入秦李斯書 已業行姜敬傳 蒙霜露沐風雨淮南王

賜祿秩以辯裝龔勝傳 櫛風沐雨多在道路文選 行旅不齎糧

唐太宗紀 繭足千里劉禹 膏吾車兮秣吾馬韓文 行李之李

字人姓之外更無別義左傳行李之往來杜不寃意理注云行

李使人也今遠行結束次第謂之行李而不悟是行使耳按舊

文使字作岑傳寫誤作李資暇集

詩句 誰能久京洛緇塵染素衣謝元暉 夜聞漢使歸獨向刀頭

泣從軍行 馬是賒來貴童因情得頑姚合 慈母手中線游子身

上衣孟 平生未到處落日獨行時張翥 長為萬里客有愧百年

身杜 旋呵鞭手凍粘鬚羅虢 朝遊九城陌肥馬香車欺殺客唐

宿五侯門殘茶冷酒愁殺人李白

古今事實 迷途莫問

黃帝將見大隗乎具茨之山方明為御昌寓駢乘張若習明前

馬昆閻滑稽後車至於襄城之野七聖皆迷無所問途疏 大隗

至人也莊子

異鄉見似人

子不聞夫越之流人乎去國數日見其所知而喜去國旬月見

所嘗見於國中者而喜及期年也見似人而喜矣不亦去人滋

久思人滋深乎夫逃虛空者藜藿拄乎鼙鼙之徑跟位其空聞

人足音楚然而喜矣况乎有昆弟親戚聲欬於其友者乎莊子

百舍重趼

士成綺見老子百舍重趼而不敢息莊天道

就國夜行

師尚父就國道宿行遲逆旅之人曰吾聞時難得而易失客寢處安殆非就封者也太公聞之夜衣而行至國萊侯來伐與之

爭營丘史記

躡躑擔簦

虞卿躡躑擔簦說趙王注簦笠有柄者

思歸不忘

漢書韓王信報柴將軍曰僕之恩歸如痿人不忘起盲者不忘

視勢不可耳

微行被辱

漢武帝嘗至柏谷夜投亭宿亭長不內乃宿於逆旅逆旅公謂上曰汝長大多力當勤稼穡何忽帶劍群聚夜行動衆此不欲為盜則淫耳上默然不應因乞漿飲翁曰吾止有溺無漿也有頃還內上使人覘之見翁方要少年十餘人皆持弓矢刀劍令主人嫗出安過客嫗歸請其翁曰吾觀此丈夫乃非常人也且亦有備不可曷也不如因禮之其夫曰此易與耳鳴鼓會衆討此羣盜何憂不尅嫗曰且安之令其眠乃可曷也翁從之時上從者十餘人既聞其謀皆懼勸上夜去上曰去必致禍不如且止以安之有頃嫗出謂上曰諸公子不聞主人之言乎此翁好

飲酒狂悖不足計也今日具今公子安眠無他嫗因還內時天寒嫗酌酒多與其夫諸少年皆醉嫗出謝客殺雞作食平明上去是日還宮乃召逆旅夫妻見之賜嫗金十斤其夫為羽林郎自是懲戒希復微行

漢武故事

隨牒遠方

康衡曰但以無階朝廷故隨牒在遠方注謂隨補選之常牒不被超擢也

萍浮南北

鄭康成萍浮南北黃巾為害復歸邦鄉

宿處輒掃

郭林宗每行宿逆旅輒窮洒掃及明去後人至見之曰此必郭

有道昨宿處也

夜宿古冢

陸雲嘗行逗宿故人家夜暗迷路莫知所從忽望見草中有火光於是趨之至一家便寄宿見一少年美風姿共談老子辭致深遠向曉辭去行十里至故人家云此數里中無人居却尋即宿處乃王弼冢雲本無玄學自此談老殊進

本傳

途窮而哭

阮籍率意獨駕不由徑路車跡所窮輒慟哭而返

富愴螿錢

平陵士孫奮富聞京師性儉愴嘗宿客舍雇錢直甚少主人曰君惜錢如此欲作士孫景卿耶

三輔決錄

新豐逆旅

馬周留客沐為浚儀令崔賢所辱遂感激而西舍新豐逆旅主人不之顧周命酒一斗八升悠然獨酌眾異之

古今文集

雜著

子長遊贈蓋邦式序

馬子才

予友蓋邦式嘗為予言司馬子長之文章有奇偉氣切有志於斯文也子其為說以贈我予謂子長之文章不在書學者每以書求之則終身不知其奇予有史記一部在天下名山大川壯麗奇怪之處將與子周遊而歷覽之庶幾可以知此文矣子長生平喜遊方少年自負之時足跡不常一日休非直為景物役

也將以盡天下大觀以助吾氣然後吐而為書則其平生所嘗遊者皆在焉南浮長淮沂大江見狂瀾驚波陰風怒號逆走而橫擊故其文奔放而浩漫望雲夢洞庭之陂彭蠡之瀦混太虛呼噓萬壑而不見介量故其文停瀟而淵深見九疑之芊綿巫山之崖峩陽臺朝雲蒼梧暮煙態度無定靡曼綽約春粧如濃秋飾如薄故其文妍媚而蔚紆泛沅渡湘弔大夫之蒐悼妃子之恨竹上猶有班班而不知魚腹之骨尚無恙者乎故其文感憤而傷激比過大梁之墟觀楚漢之戰場想見項羽之暗鳴高帝之慢罵龍跳虎躍千兵萬馬大弓長戟俱遊而齊乎故其文雄勇猛健使人心悸而膽栗世家龍門念神禹之鬼功西使巴蜀跨劍閣之鳥道上有摩雲之崖不見斧鑿之痕故其文蘄絕



峻拔而不可攀躋講業齊魯之都觀夫子之遺風鄉射鄒嶧彷徨乎汶陽洙泗之上故其文典重溫雅有似乎正人君子之容貌凡天地之間萬物之變可驚可愕可以娛心使人憂使人悲者子長盡取而爲文章是以變化出沒如萬象供四時而無窮今於其畫而觀之豈不信矣予謂欲學子長之爲文先學其遊可也不知學遊以采奇而欲操筆弄舉紐綴腐然者乃其常常耳昔公孫氏善舞劍而學書者得之乃入於神庖丁氏善操刀而養生者得之乃極其妙事固有殊類而相感者其意同故也今天下之絕縱詭觀何以異於昔子果能爲我遊者乎吾欲觀子矣醉把盃酒可以吞江南吳越之清風拂劍長嘯可以吸燕趙秦隴之勁氣然後歸而治文著書子畏子長乎子長畏子乎不然斷編敗冊朝吟而暮誦之吾不知所得矣

古詩

途中

白居易

早起上肩擗一盃平日醉晚憇下肩擗一覺殘春睡身不經營物心不思量事但恐綺與紈只如吾氣味

長安秋夕

戎昱

八月更漏長愁人起常早閉門寂無事滿地生秋草昨宵西窓夢先入荆南道遠客歸去來在家貧亦好

早行

孔文仲

客興謂已旦出視見落月瘦馬入荒陂霜花重如雪海風吹萬里兩耳凍幾脫歲晏已苦寒近北尤凜冽况當清曉行遡此原

野闊空飛帶繞頭指強不得結農家煙火微炙手粗可熱豈能  
透我留而就苟且活仰頭視四字夜氣亦漸豁苦心待正晝回  
日想不缺

遠遊篇 十九歲作

朱元晦

舉坐且停酒聽我歌遠遊遠遊何所至咫尺視九州九州何茫  
茫環海以爲疆上有孤鳳翔下有神駒驥孰能不憚遠爲我遊  
其方爲子奉尊酒擊鉢歌慨慷送子臨大路寒日爲無光悲風  
來遠壑執手空徊徨問子何所之行矣戒關梁世路百險艱出  
門始憂傷東征憂暘谷西遊畏羊腸南轅犯癘毒北駕風裂裳  
願子馳堅車躡險摧其剄我既支瑣瑣誰能當朝登南樓  
道莫宿臨太行睥睨卽萬里超忽凌八荒無爲蹙蹙者終日守

空堂

行路難

張籍

湘東行人長歎息十年離家歸未得敝裘羸馬苦難行僮僕盡  
飢少筋力君不見牀頭黃金盡壯士無顏色龍蟠泥中未有雲  
不能生彼昇天翼

羲和謠

楊廷秀

中秋夜宿辟邪市詰朝早起曉星已上日欲出而  
月未落光景萬變蓋天下奇觀也作羲和謠以紀之  
羲和夢破欲啓行紫金畢逋啼一聲七從天上落人世千村萬  
落雞爭鳴素娥西征未歸去歛弄銀盤浣風露一丸玉彈東飛  
來打落桂林雪毛兔誰將紅錦幕半天赤光絳氣貫山川須更

却駕丹砂轂推上寒空輾蒼玉詩翁已行十里強羲和早起道  
無雙

律詩

河陽道中

李洞

衝風仍躡凍提轡手頻呵翻憶江濤裏船中睡蓋簑

途中早發

劉禹錫

中庭望啓明促促事晨征寒樹鳥初動霜橋人未行水流白煙  
起日上絲霞生隱士應高枕無人問姓名

商山早行

溫庭筠

晨起動征鐸客行悲故鄉雞聲茅店月人跡板橋霜  
路花明驛牆因思杜陵夢鳧滿迴塘

秋江晚泊

杜荀鶴

一望一蒼然蕭騷向暮天遠山橫落日歸鳥度平川家是去年  
別月當今夜圓漁翁似相伴徹曉葦叢邊

早行

賈島

早起赴前程鄰雞尚未鳴主人燈下別羸馬月中行踏石新霜  
滑穿林宿鳥驚遠山鍾動後曙色漸分明

早行

許渾

失枕驚先起人家半夢中聞雞憑早晏占斗認西東轡濕知行  
露衣單覺曉風秋陽弄光影忽吐半林紅

絕句

李義山

君問歸期未有期巴山夜雨漲秋池何當共剪西窗燭却話巴

事類彙編別集 卷之二十五 八 律書

山夜雨時

渡桑乾

賈島

客舍并州三十霜歸心日夜憶咸陽無端更渡桑乾水却望并州是故鄉

醉後

劉商

春草秋風老此身一瓢長醉任家貧醒來還愛浮萍草漂寄官河不屬人

秋霖夜憶家

韓渥

垂老何時見弟兄背燈愁泣到天明不知短髮能多少一滴秋霖白一莖

尤溪道中

韓渥

水自潺湲日自斜盡無雞犬有鳴鴉千村萬落如寒食不見人煙空見花

早發

羅隱

比去南來無定居此生計竟何如酷憐一覺平明睡長被雞聲惡破除

看花

羅鄴

花開只恐看來遲及到愁如未看時家在楚鄉身在蜀一年春色負歸期

行次

前人

終日長程復短程一山行盡一山青路傍君子莫相笑天上由來有客星

事類彙編別集 卷之二十五 八 律書

題驛舍

盧秉

青衫白髮病將軍旋糴黃糧買酒樽但得有錢留客醉也勝騎

馬傍人門

宿濟州西門外旅館

晁端友

寒林殘日欲棲鳥壁裏青燈乍有無小雨惜惜人假寐卧聽疲

馬齒殘芻

秋雨

張復之

簾幙蕭蕭竹院深客懷孤寂伴燈吟無端一夜空階雨滴破思

鄉萬里心

次韻王稚川客舍

黃魯直

五更歸夢嘗苦短一寸客愁無奈多慈母每占烏鵲喜家人應

賦虞虞歌

王稚川既得官都下有所盼未歸予戲作林夫人稚

川妻 欸乃歌二章與之

黃魯直

花上盈人<sup>七</sup>不歸棗下暮<sup>七</sup>實已垂臘雪在時聽馬嘶長安城

中花片飛從師學道魚千里蓋世功名黍一炊日日倚門人不

見看盡林鳥及哺兒

春夕旅懷

崔塗

水流花謝兩無情送盡東風過楚城蝴蝶夢中家萬里杜鵑枝

上月三更故園書動經年絕華髮春帷兩鬢生自是不歸歸便

得五湖煙景有誰爭

倦客

鄭谷

十年五年岐路中千里萬里西復東  
疋馬愁衝晚村雪孤舟悶阻春江風  
達士由來知道在昔賢何必笑途窮  
閑烹蘆笋炊菰米會向漁鄉作醉翁

舟行即事

杜荀鶴

年少髭鬚雪欲侵別家三日幾般心  
朝隨賈客憂風色夜逐漁翁宿葦林  
秋水鷺飛紅蓼晚暮山猿叫白雲  
深重陽酒熟茱萸紫却向江頭倚棹吟

秋日旅中

杜荀鶴

浮宦浮名能幾何致身流落向天涯  
少年心壯輕為客一日病來思在家  
經雨凍蟬隨葉墮過湖秋鴈趁雲斜  
前程雖有投人處爭奈鄉間日漸餘

容川旅居寄蕭郎中

周林英華

扣店茅軒向水開東頭舍賃一徘徊  
窓吟苦為秋江靜枕夢驚殘曉角催  
隣舍見愁賒酒與主人知去索錢來  
眼看白筆為霖雨肯使紅鱗便曝腮

別離

羣書要語遵大路兮摻執子之手兮詩歌驪駒其辭云驪駒在

門僕夫具存驪駒在路僕夫驚駕詩悲莫悲兮生別離楚辭僚慄

兮若遠行登山臨水兮送將歸同上問何歸閣詩葛豐傳

**詩句** 嬌兒不離膝畏我却復去杜契闊阻風期在再成雨別獨

孤及 索居動經秋載笑知曷月同上漸消酒色朱顏淺欲語離

情翠黛低 張藉

**古今事實**

孔子贈言

子路將行辭於孔子孔子曰贈以帛乎贈汝以言乎對曰請以言孔子曰不強不達不勞無功不忠無親不信無復不恭無禮謹此五者而已矣子路曰願終身奉之 家語

老子贈言

孔子去周而老子送之曰吾聞富貴送人以金仁者送人以言吾雖不能富貴而竊仁者之號請送子以言凡當世之聰明深察而近於死者好訖者也博辯宏大而危其身者好發人之惡者也孔子曰敬奉教也 家語

晏子贈言

曾子行晏子從於郊曰嬰聞之君子贈人以言庶人贈人以財請假於君子贈吾子以言 荀夫略

離羣索居

子貢曰吾離羣而索居亦已久矣

乃若婦人

子高遊趙平原君嘗有鄒文李節者與相友善及將還魯諸故人訣既畢文節送行三宿臨別文節流涕交頤子高徒握手而已分背就路其徒問先生與彼二子書披有戀七之心而先生厲聲高揖始無乃非親之謂乎高曰始吾謂此二子丈夫耳今乃知其婦人人生有四方之志豈鹿豕哉而嘗群聚乎 孔叢子

贈以不拜

陳遵使匈奴過辭於王丹丹謂遵曰但遭世反覆唯我二人為天地所遺今子當之絕域無以相贈贈子以不拜遂揖而別遵甚喜東觀漢紀

不見黃生

後漢黃憲字叔度同郡陳藩周舉相謂曰時月之間不見黃生則鄙吝之萌復存乎心 唐賀知章陸象先曰季貞清談風流吾一日不見則鄙吝生矣

士別三日

呂蒙曰士別三日則刮目相待

吳志

覩物思人

王猛將行造慕容垂飲酒從容謂垂曰今當遠別何以贈我使

我覩物思人

晉海西公下

相別作惡

謝安嘗謂王羲之曰中年傷於哀樂與親朋別輒作數日惡羲之曰年在桑榆自然至此常恐見輩覺損其歡樂之趣

王羲之傳

夜宿誰家

宋選送弟入洛登舟挂席東下選凝佇久之語細君曰帆過南浦今夜清風明月宿水洑誰家

古今文集

雜著

別賦

江文通

德壽堂



黯然銷魂者唯別而已矣况秦吳兮絕國復燕宋兮千里或春  
苔兮始生乍秋風兮颯起是以行子腸斷百感悽惻風蕭蕭而  
異響雲漫漫而奇色舟凝滯於水濱車逶迤於山側權容與而  
未前馬寒鳴而不息掩金觴而誰御橫玉柱而霑軾居人愁卧  
况若有亡日下壁而沉彩月上軒而飛光見紅蘭之受露望青  
楸之離霜巡層楹而空掩撫錦幙而虛涼知離夢之躑躅意別  
魂之飛揚故別離一緒事有萬族至若龍馬銀鞍朱軒繡軸悵  
飲東都送客金谷琴羽張兮簫鼓陳燕趙歌兮傷美人珠與玉  
兮豔暮秋羅與綺兮嬌上春驚駟馬之仰秣聳淵魚之赤鱗迨  
分手而銜涕感寂寞而傷神乃有劔客慙恩少年報士韓國趙  
則吳宮羈市割慈忍愛離邦去里瀝泣共訣拔血相視驅征馬

而不顧見行塵之時起方銜感於一劍非買價於泉裏金石震  
而色變骨肉悲而心死或乃邊郡未和負羽從軍遼水無極鴈  
山參雲閨中風暖陌上草薰日出天而耀景露下地而騰文鏡  
朱塵之照爛襲青氣之烟縕攀桃李兮不忍別送愛子兮霑羅  
裙至如一去絕國詎相見期視喬木兮故里訣北梁兮永辭左  
右兮魂動親賓兮淚滋可班荆兮增恨惟樽酒兮叙悲值秋鴈  
兮飛日當白露兮下時怨復怨兮遠山曲去復去兮長河湄又  
若君居淄右妾家河陽同瓊珮之晨照共金爐之夕香君結綬  
兮千里惜瑤草之徒芳慙幽閨之琴瑟晦高臺之流黃春宮闕  
此青苔色秋帳含茲明月光夏簟清兮晝不暮冬缸凝兮夜何  
長織綿曲兮泣已盡迴文詩兮影獨傷倘有萃陰上士服食還

仙術既妙而猶李道已寂而未傳守丹竈而不顧鍊金鼎而方  
堅駕鶴上漢驂鸞騰天蹇游萬里少別千年惟世間兮重別謝  
主人兮依然下有兮藥之詩佳人之歌桑中衛女上宮陳娥春  
草碧色春水綠波送君南浦傷如之何至乃秋露如珠秋月如  
珪明月白露光陰往來與子之別思心徘徊是以別方不定別  
理千名有別必怨有怨必盈使人意奪神駭心折骨驚雖淵雲  
之墨妙皆嚴樂之筆精金閨之諸彥蘭臺之羣英賦有凌雲之  
稱辯有雕龍之聲詎能摹暫離之狀寫永訣之情者乎

古詩

古樂府

行行重行行與君生別離相去萬餘里各在天一涯道路阻且

長會面安可知胡馬依北風越鳥巢南枝相去日已遠衣帶日  
已緩浮雲蔽白日遊子不顧反思君令人老歲月忽已晚弃捐  
勿履道努力加飧飯

明月何皎皎照我羅牀帷憂愁不能寐禮衣起徘徊行客雖云  
樂不如早旋歸

涉江採芙蓉蘭澤多芳草將之與遺誰所思在遠道還顧望舊  
鄉長路漫漫浩同心而離居憂傷已終老

庭中有奇樹綠葉有華滋攀條折其榮將以遺所思馨香盈懷  
袖路遠莫致之此物何足貴但感別今時

贈蘇武別

李陵

良時不再至離別在須臾屏雲衢路側執手野踟躕仰視浮雲

事類彙編 卷之二十一 十五 德壽堂  
馳奄忽交相踰風波一失路各在天一隅長當從此別且復去  
斯須欲因晨風發送子以賤軀

同前

李陵

携手上河梁遊子暮何之徘徊溪路側恨恨不能離行人難久  
留各言長相思安知非日月弦望自有時努力崇明德皓首以  
爲期

別李陵

蘇武

雙鳧俱北飛一鳧獨南翔子當留斯館我當歸故鄉一別如秦  
胡會見何詎央愴恨切中懷不覺淚沾裳願子長努力言笑莫  
相忘

同前

蘇武

征夫懷往路起視夜何其參辰皆已沒去去從此辭行役在戰  
相見未有期握手一長歎淚爲生別滋努力愛春華莫忘觀樂  
時生當復歸來死當長相思

別離

陸龜蒙

丈夫非無淚不洒離別間仗劍對樽酒恥爲游子顏蝮蛇一螫  
手壯士疾解腕所思在功名離別何足歎

古別離

趙徵明

爲別未幾日一日如三秋猶疑望可見日日上高樓嗟見分手  
處白蘋浦芳州寸心能死別不忍生離愁

贈崔純亮別

孟郊

食齋腸亦苦強歌聲無歡出門卽有礙誰謂天地寬有礙非遐

方長安大道旁小人智慮險平地生太行鏡破不改光蘭死不  
改香始知君子交久之長益彰君心與我懷離別俱迴遑譬如  
浸蘗泉流苦日已長忍泣日易衰忍悲形自傷項籍豈非壯買  
生豈非良當其失意時涕泗各滿裳古人勸加飧此食難自強  
一飽九祝噎一嗟十斷腸况是兒女冤冤氣凌彼蒼彼蒼若有  
知白日下清霜今朝始驚呼碧落空茫茫

怨別

孟郊

一別一箇老志士髮白早在富易爲容居貧難自好沉憂損性  
靈服藥亦枯槁秋風客子衣落日行遠道君問去何之賤身寧  
自保

汴梁留別韓愈

孟郊

不飲濁水瀾空滯此汴河坐見遶岸水盡爲還海波四時不在  
家敝服斷線多遠客獨顛顛春莫各婆娑荒陂饒曲流野桑無  
直柯但爲君子心歎息終匪他

長安留別觀韓愈因獻張徐州

孟郊

富別愁在顏貧別痛銷骨懶磨舊銅鏡畏見新白髮古樹春無  
花子規啼有血離弦不堪聽一聽三四裂世途非一險俗慮有  
千結有客步大方驅車獨迷轍故人韓與李逸翰雙皎潔哀我  
摧折歸贈詞縱橫設徐方國東樞元戎天下傑禰生投刺遊王  
粲吟詩謁高情無遺照朗抱開曉月有士不埋冤有讎皆爲雪  
願爲直草木未向君地列願爲古琴瑟永向君聽發欲識丈夫  
心曾將寶刀說

生別難

白居易

食糜不易食梅難藥能苦兮梅能酸未如生別之爲難苦在心  
兮酸在肝晨雞載鳴殘月沒征馬重嘶行人出迴看骨肉哭一  
聲梅酸藥苦甘如蜜黃河水白黃雲秋行人河邊相對愁天寒  
野曠何處宿棠梨葉戰風颼颼生別離憂從中來無斷絕憂積  
心勞血氣衰末年三十生白髮

別三子

陳無已

夫婦死同穴父子貧賤離天下寧有此昔聞今見之母前三子  
後熟視不得追嗟爾胡不仁使我至於斯有女初束髮已知生  
離悲枕我不肯起畏我從此辭大兒學語言拜揖未勝衣喚爺  
我欲去此語那可思小兒襁褓間抱負有母慈汝哭猶在耳我

懷人得知

有所思

盧仝

當時我醉美人家美人顏色嬌如花今日美人棄我去青樓珠  
箔天之涯娟娟嫦娥月三五二八盈又缺翠眉蟬鬢生別離一  
望不見心斷絕心斷絕幾千里夢中醉卧巫山雲覺來淚滴湘  
江水兩岸花木深美人不見愁人心含愁更奏綠綺琴調高絃  
絕無知音美人兮美人不知爲暮雨兮爲朝雲相思一夜梅花  
發忽到窓前疑是君

醉留東野

韓愈

昔年因讀李白杜甫詩長恨二人不相從吾與東野生並世如  
何復躡二子蹤東野不得官白首跨龍鍾韓子稍姦黠自慙青

蒿倚長松低頭拜東野願得終始媿  
東野不迴頭有如寸蓬  
撞鉅鍾吾願身為雲東野變為龍  
四方上下逐東野雖有別離無由逢

律詩

不見

杜甫

不見李生久佯狂真可哀世人皆欲殺  
吾意獨憐才敏捷詩千  
首飄零酒一盃匡山讀書處頭白好歸來

夜與故人別

于武陵

白日去難駐故人非舊容今宵一別後  
何處更相逢過楚水千  
里到秦山萬重話來天未曉月落蒲城鍾

寄南遊弟兄

竇鞏

書來未報幾時還知在三湖五嶺間  
獨立衡門秋水闊寒鴉飛

去日衡山

淮上與友別

鄭谷

楊子江頭楊柳春楊花愁殺渡江人  
數聲鳳笛離亭晚君向瀟  
湘我向秦

陽關三疊

見餞送門

絕句

孫冕

亭亭畫舸繫寒潭直致行人酒半酣  
不管煙波與風雨載將離  
恨過江南

元相公賓府有薛書能飲酒醉後因爭  
令擲注子擊傷相公猶子遂出幕醒來  
乃作十離詩上獻或云蜀  
奴薛濤為連帥所怒作此以獻

馴擾朱門四五年毛香足淨主人憐無端咬着親情客不得紅  
綠毯上眠

右犬離主

越管宣毫始稱情紅箋紙上撒花瓊都緣用久鋒頭盡不得義  
之手裏擊

右筆離手

雪耳紅毛淺碧蹄追風曾到日東西為驚玉貌郎君墜不得華  
軒更一嘶

右馬離廐

隴西獨自一孤身飛去飛來上錦茵都緣出去無方便不得籠  
中再喚人

右鸚鵡離籠

出入朱門未忍拋主人嘗愛語咬<sup>匕</sup>街泥穢汚珊瑚簾不得梁  
間更壘巢

右燕離巢

皎潔圓明內外通清光似照水精宮都緣一點瑕相穢不得終  
霄在掌中

右珠離掌

戲躍蓮池四五秋常搖朱尾弄輪鈎無端擺斷芙蓉朵不得清  
波更一遊

右魚離池

瓜利如鋒眼似鈴平原捉兔稱高情無端窺向青雲外不得君

王手上擎

右鷹離主

翁鬱新栽四五行常將貞節負秋霜為緣春笋鑽墻破不得垂  
陰覆玉堂

右竹離亭

鑄馮黃金鏡始開初生三五月徘徊為遭無限塵蒙蔽不得華  
堂上玉臺

右鏡離臺

詩話

詠曹顏遠詩

殷浩甥韓伯隨至彼所經歲還都浩送王渚側詠曹顏遠詩云

富貴他人合貧賤親戚離因而泣下

醉中分袂

蕭鳳使玉門關弟蕭勸酒頻頻謂兄曰醉中庶分袂不悲杜送  
王判官黔陽信使應稀少莫恠頻頻勸酒盃

奪胎換骨

東坡長短句云無情汴水自東流只載一船離恨向西州張文  
潛詩云亭亭畫舸繫春潭只待行人酒半酣不管煙波與風雨  
載將離恨過江南王平甫愛而誦之不知其出於外此奪胎換  
骨法也 浦宅經

還歸 詳見思鄉門



羣書要語薄言還歸平蔡言還言歸黃鳴衣道其歸孟氏還鄉

者心務見家不可以一步至也劉子已出反金叔孫通傳出有

賜曰餞路及有勞曰輓脚楊國忠傳

**詩句** 叔裝反柴荆陶新歸且慰意生理焉足說杜北征錦城雖

云樂不如早還家李白近家心轉切不敢問來人獨孤還樂莫

樂於還故鄉坡踏着家鄉馬脚輕王建

**古今事實**

來歸自鎬

薄伐玁狁至於太原文武吉甫萬邦為憲吉甫燕喜既多受社  
來歸自鎬我行永久

衮衣公歸

東山周公東征也九罭周大夫刺朝廷之不知也是以有衮衣  
兮無以我公歸兮

馬生角

燕太子丹為質於秦秦不禮乃求歸秦曰待烏頭白馬生角當  
放子歸太子仰天哭感得烏頭白馬生角秦王大驚乃遣丹歸  
遊歷記聞

杖節歸漢見羊門

彭澤賦歸見米門

角巾還第

有往來者言庾公有東下意或謂王公可潜稍嚴以備不虞王  
公曰我與元規雖俱王臣本懷布衣之好若其欲來吾角巾徑

還烏衣何所稍嚴

角巾歸里

羊祜與從弟琇曰既定邊事當角巾東路歸故里為容棺之壚以白土而居重位何能不以盛蒲受責乎本傳

千載來歸

遼東城門華表柱忽有一白鶴少年欲射之乃飛徘徊言曰有鳥有鳥丁令威去家千載今來歸城郭是人民非何不學仙塚繫繫 出神仙記

置軟脚局

郭子儀自同州歸詔大臣就宅作軟脚局人率三百千大唐

古今文集

雜著

歸去來辭

陶潛

歸去來兮田園將蕪胡不歸既自以心為形役奚惆悵而獨悲悟既往之不諫知來者之可追實迷途其未遠覺今是而昨非舟搖搖以輕颺風飄飄而吹衣問征夫以前路恨晨光之熹微乃瞻衡宇載欣載奔僮僕歡迎稚子候門三逕就荒松菊猶存携幼入室有酒盈樽引壺觴以自酌盼庭柯以怡顏倚南窓以寄傲審容膝之易安園日涉以成趣門雖設而常關策扶老以流憩時矯首而遐觀雲無心以出岫鳥倦飛而知還景翳翳以將入撫孤松而盤桓

歸去來兮請息交以絕遊世與我以相違復駕言兮焉求悅親

戚之情話樂琴書以消憂農人告余以春及將有事乎西疇或  
命巾車或棹孤舟既窈窕以尋壑亦崎嶇而經丘木欣欣以向  
榮泉涓涓而始流善萬物之得時感吾生之行休已矣乎寓形  
宇內能復幾時曷不委心任去留胡爲乎皇皇欲何之富貴非  
吾願帝鄉不可期懷良辰以孤往或植杖而耘耔登東臯以舒  
嘯臨清流而賦詩聊乘化以歸盡樂夫天命復奚疑

古詩

休假還舊業便使

王維

謝病始告歸依依入桑梓家人相佇立相候衡門裏時輩今長  
年成人舊童子上堂嘉慶畢顧與姻親齒論舊忽餘悲自存且  
相喜田園轉蕪沒但有寒泉水衰柳日蕭條秋光清邑里入門  
乍如客歸騎非便止中飲顧王程離憂從此始

示三子

陳無已

去遠即相忘歸近不可忍兒女已在眼眉日略不省喜極不得  
語淚盡方一哂了知不是夢忽忽心未穩

還里

陳無已

曠士愛吾廬遊子悲故鄉慷慨四方志老衰但悲傷虛名自成  
誤失得略相當莫年還家樂未覺道路長閭里喜我來車馬塞  
康莊爭前借言色草木亦晶光向來千人聚一老獨徜徉手開  
南陽阡松栢鬱蒼蒼永願守一丘脫身萬里航平生功名念倒  
海澗我腸尚恐北山南有文穆路傍

律詩

秋晚歸故居

李昌符

馬首曾行處連嘶渡晚河忽驚鄉樹出漸識路人多細徑穿禾黍頽園壓薜蘿乍歸猶似客鄰叟亦相過

送孟六歸襄陽

王維

杜門不欲出久與世情疎以此為長策歡君歸舊廬醉歌田舍酒笑讀古人書好是一生事無勞獻子虛

還鄉偶書

黃拱

離別家鄉歲月多歸來人事半消磨惟有門前鑑湖水春風不減舊時波少小離家老大回鄉音難改鬢毛衰兒童相見不相識借問客從何處來

歸計

沈存中

住山人少說山多空只年年憶薜蘿不是自心應不信眼前歸計又蹉跎

歸洛言懷

司馬君實

三十餘年西復東勞生薄宦等飛蓬所存舊業唯清白不負明時有朴忠早避喧煩真得策未逢危辱好收功夫平觸處農桑滿羸取間闔鶴髮翁

合弁

羣書要語勿疑朋盍簪注勿疑則朋合疾也豫卦邂逅相遇野

有蔓草脫然若沉疴之去體灑然若執熱之濯清風也韓文

詩句江湖十年別衰老一樽同劉長卿桃李春風一盃酒江湖

德壽堂

夜雨十年燈

山谷

江山千里俱頭白骨肉十年終眼青

山谷

**古今事實**

傾蓋而語

孔子之剡遇程子於塗傾蓋而語終日甚相親

家語

班荆而食

楚伍舉將奔晉聲子遇之於鄭郊班荆相與食而言

**注**

布荆坐

地左襄二十六

刮目相待

魯肅過呂蒙言議常欲受屈拊蒙背曰吾謂大弟但有武略今者學識英博非復吳下阿蒙蒙曰士別三日即更刮目相待

相別一世

張乖崖少與逸人傅霖同學公既顯達求霖三十年不可得有憶霖詩云寄語巢由莫相笑此身終不美輕肥晚年守死丘有被褐騎驢叩門大呼曰語尚書青州傅霖閣吏走白公曰傅先生天下士汝何人敢呼姓名霖笑曰別子一世尚爾童心是豈知世間有我哉公問昔何隱今何出霖曰子將亡矣來報子公口詠亦自知之霖曰知復何言後一月公薨

**古今文集**

雜著

聚星亭畫屏贊并序

朱元晦

按世說陳太丘詣荀朗陵貧儉無僕役乃使元方將車季方持仗從後長文尚少載着車中既至荀

使叔慈應門慈明行酒餘六龍下食文若亦小坐  
着膝前于時太史奏真人東行考亭陳氏故有離  
榭名以聚星蓋取續陽秋語中更廢壞近始作新  
適邇敞廬因得相其役事既又爲之本原事迹書  
着屏上并爲之贊以視來者云

猗歟陳子神嶽鍾英文淵懿範道廣心平危孫汚隆卷舒自我  
是曰庶幾無不可獻身安衆帛孺金邦炯然方寸秋月寒潭  
願言懷人曰我同志故朗陵君荀季和氏連峯對起麗澤潛滋  
優而不見有點其思薄言造之顧無僕役獨呼二兒駕予以出  
青芻黃犢布幘柴車策紀前衛杖藜後趨所造伊何高陽之里  
維待荀君聞至而喜顧謂汝靖往應于門七龍矯矯布席開尊

靖肅而前翁拜其辱何悟斯晨得見清穆命奕行觴旅饋次陳  
獻酬交錯禮度情親載笑載言罔非德義益邁乃猷以輔斯世  
髣髴兩稚亦置膝前源深本固莫出匪賢維此慈明特謝儔匹  
晚際國屯敢渾濡迹贅旒之命恃以少延邦朋之最孰與爲先  
郁乃附曹群亦忘漢嗣守之難古今共歎崇臺回極于以占天  
猶曰茲野德星萃焉我寓有亭舊蒙斯號今刺前聞象儀以告  
高山景行好德所同課忠責孝獨槩余衷百爾窺臨鏡老尹怠  
死國承家未奉明戒

古詩

贈衛八處士

杜甫

人生不相見動如參與商今夕復何夕共此燈燭光少壯能幾

時鬢髮各已蒼訪舊半爲鬼驚呼熱中腸焉知二十載重上君子堂昔別君未婚兒女忽成行怡然敬父執問我來何方問答未及已兒女羅酒漿夜雨剪春韭新炊間黃粱主稱會同難一舉累十觴十觴亦不醉感子故意長明日隔山岳世事兩茫茫

贈史修文

沈千運

故人阻千里會同非別期握手於此地當歡返成悲念離宛猶昨俄已經於暮疇昔皆少年別來髮如絲不過舊姓名相逢知是誰曩遊盡騫翥與君仍布衣豈曰無其才命理應有特別路漸欲少不覺生涕洟

元稹爲御史奉使東川於褒城贈黃明府詩其序云

昔年曾於解縣飲酒余爲觥錄事嘗於實明府廳有

一人至類犯話令連飛十數觥不勝因逃去醒後問之前虞卿黃丞也此後絕不復知元和四年三月奉使東川十六日至褒城驛遂巡有黃明府見迎瞻其形容髮髯似識問其前銜即曩日逃席黃丞也說向前事黃生惘然而悟因饋酒一罇艤舟請余同載余不欲孤其意與之盡歡徧問褒陽山水則褒姒所奔褒城在其左諸葛所征之路次其右感今懷古作贈

黃明府詩曰

昔年曾痛飲黃令困飛觥席上當時走馬前今日迎依稀迷姓字積漸識平生故友身皆遠他鄉眼暫明便邀連榻坐兼共刺船行酒思涼風亂霜稜拂地平不看深淺酌貪愴古今情迤邐

七盤路拔拖數太城花疑褒女笑機息武侯征一種埋幽石空  
聞千載名

新編古今事文類聚別集卷之二十六

建安

祝穆

和父

編

金陵

唐富春

子和

梓

人事部

書目簡

羣書要語

簡牒也

說文

簡書編也

釋名

簡謂之畢

爾雅

牘書版

也

說文

札櫛也編之如櫛齒相比也

釋名

斷木為槩

論衡

槩版

長三尺即牘牒也

釋名

子寧不嗣音

詩子衿

毋金玉爾音而有

遐心

白駒

小夫之知不難苟直竿牘敝精神乎蹇淺

莊子

千里

之精通

管子

言心聲書心畫也聲化形君子小人見矣

揚子

面



相之辭相適抒中心之所欲通諸人之嚙嚙憤憤也者莫如言

彌綸天下之事記久明遠著古昔之昏昏目所不見傳千里之

恣恣心所不可者莫如書揚子時有奏記朱博傳移書顯責之

薛宣傳心開目明反覆數周曠然發矇蔡邕傳執玩反覆不能

釋手劉真傳萬里之畫存於尺書劉琨傳闕然久不報幸勿為

過馬遷傳公府奏記郡將奏牋文心雕龍蔡邕曰相見無期唯

是書疏可以當面本傳書疏往返未足解其勞結魏文帝答吳

質書信到奉所惠貺發函伸紙是何文采之巨麗而慰喻之綢

繆乎吳質答曹植書因江潭而往記芍欽弔楚之湘纍揚雄反

騷承問震惶精爽飛越劉越石書申詠反覆曠若復面文選讀

之喜笑把玩無厭同上東望於邑裁書叙心文選尺牘書疏千

里面目顏氏家訓坐馳之際輸驛復來段成式書抽黃對白喻

弄飛走駢四儷六錦心繡口柳宗元乞巧文黃鵠一去青宜無

極安得不憑豐隆翹飛廉以寄心於寥廓耶柳宗元山人序言

之微妙書不能文也心之精微口不能言也張敞封事陳遵占

辭肯意各俱禰衡代書親踈得宜文心雕龍蒼鴈頰鯉而流尺

素清風朗月俱寄相思周弘讓答王褒書欲致一書問足下并

自舒其所懷含意連思將發復已卒不能成就其說退之答侯

詩句愧無雜佩贈良訊代兼金陸機誰謂清可盡盡書非尺牘

謝建今朝聽聲喜家信必應歸梁蕭紀詠鵲開緘書札光杜甫

有弟皆羈旅無家問生死寄書多不達况及未休兵杜秦中相

思千萬里一書直千金李烽火連三月家書值萬金杜折書八

事文類聚別集 卷之二十一 後書堂

九讀淚落千萬行元積忽因西飛禽贈我以瓊琚韋應物行數

雖不多字字有委曲同上去憑游客寄來為問家書杜甫書來

細作行杜詩欲問平生無使來杜甫征人去日殷勤囑歸鷹來

時早寄書樂府不枉故人書無由泛江水韓親朋無一字杜寄

書惟在頰無恹簡與繒韓袖中有短書願寄雙飛鷹江淹厚祿

故人書斷絕北書不至鴈無情杜紫鴈西飛與寄書願祝此信

的應中路見亂山何處拆書看杜牧之道州手札適復至紙長

要字二箇讀杜開緘宛見諫議面盧仝謝孟諫議茶母書付至

妻寄衣開緘發封淚痕稀

古今事實

書藏記室

成王有病周公旦自揃其爪以沉於河曰云乃書而藏之記

室

寓書

子產寓書於子西以告宣子左襄二十四

書付其子

趙簡子少子老無恤簡子自為書牘使誦之居二年簡子坐青

臺之上問書所在無恤出其書於左袂令誦習焉韓詩外傳

刀筆吏

蕭何曹參起秦刀筆吏注刀所以削書古者用簡牘故吏皆以

刀筆隨本贊

奉咫尺書

廣武君謂韓信曰君若使一介奉咫尺之書

史記

萬石君為中涓受書謁

本傳

嫚書之辱

漢匈奴冒頓高后時遺書曰孤償之君生於沮澤之中長於平野牛馬之域數至邊境願遊中國陛下獨立孤償獨居兩主不樂無以自娛願以所有易其所無高后報書曰單于不棄敝邑賜之以書敝邑恐損退日自圖年老氣衰齒髮墮落行步失度單于過聽不足以自污敝邑無罪宜在見赦

鴈足繫書

蘇武留匈奴十九年昭帝立匈奴和親求武等詭言武死後漢使至常惠夜見教言天子射上林中得鴈足有繫帛書言武等在某澤中使者如惠語讓單于單于驚謝曰武等實在武等始以強壯出及還鬚髮盡白

買菜求益

後漢嚴光傳注侯霸使西曹侯子道奉報書求報光曰我手不能書乃口授之使者憊少可更足之光曰買菜子求益乎

藏去為榮

陳遵性善書與人尺牘主皆藏去以為榮請求不敢逆所到衣冠懷之

本傳

憑几口占

陳遵為河南太守嘗遣從吏西召善書吏於前治私書謝京師親故憑几口占書數百封親踈各有意

問訊

趙廣漢為京兆尹嘗記召潮都亭長西至界上界上亭長戲曰為我多問趙君亭長至廣漢謂曰界上亭長寄聲謝我何以不為致問亭長叩頭服實有之涇多問趙君者言殷勤若今人于萬問訊也

手跡

後漢馬融與竇伯向書曰子丹陵奴來賜書見手跡歡喜

青泥封

鄧訓故吏知訓好青泥封書從黎陽步推鹿車載青泥至上谷

遺訓東漢記

妻不寄書

後漢王良東海人為司空司直妻子不入官舍布被瓦器司徒史鮑恢到東海過候良家妻布裙曳柴從田中歸恢曰我司徒人也故來受書妻曰妾是也苦椽無書恢歎息去

折簡可呼

王凌面縛水次遙謂司馬宣王曰卿直以折簡召我我何敢不至而乃引君來乎宣王曰以卿非折簡可呼故也魏畧

通權貴書

漢陳咸滯於郡守時王音輔政信用陳湯咸數賂遺湯予書曰即蒙子公湯字力得入帝城死不恨本傳

拜跪讀父書

吳顧愷以孝悌廉正聞於鄉黨每得父書洒掃整衣服設几案

舒書其上拜跪讀之每句應諾畢復再拜

口授

蜀王平為鎮北大將軍生長戎旅手不能書所識不過十字而口授作書皆有意理使人讀史備知大義

不作草書

席豫與子弟為史書不作草字

三國劉廙曰尊卑有分不敢修草書

黃耳傳書

見狗門

自沉自浮

殷羨為豫章太守都下人士因其致書百餘函行次石頭首投之水中曰沉者自沉浮者自浮殷洪喬不為置書郵

浩傳

賢十部從事

劉弘每有興發手書守相丁寧款密所以人皆感悅爭赴之咸曰得劉公一紙書賢於十部從事

晉懷紀

竟達空函

桓溫將以殷浩為尚書今遺書告之浩欣然詐與答書慮有謬誤開閉者十數竟達空函大忤溫意由是遂絕○殷浩致書於簡文具目申叙

帳下兒讀

劉荆州嘗自作書欲與孫伯符以示禰正平正平嗤之曰如是之作欲使孫即帳下兒讀之耶將使張子布見乎

典畧

輕重得躰

禰衡為江夏太守黃祖作書記輕重疎密各得躰宜祖持其手

曰處士皆正得祖意如祖腹中之欲言也

不喜作書

嵇康作絕交書曰不喜作書而人間多事堆案盈几不相酬答則犯教傷義欲自勉則不能久

小紙勿報

何曾好學博聞武帝拜為太尉性奢侈人以小紙為書勅記室勿報

莫不手答

陶侃為荊州遠近書疏莫不手答

音詞流暢

徐湛之善於尺牘音詞流暢沈約宋書

善效人書

魏鍾會與鄧艾平蜀艾先入城都會善效人書艾章表曰事皆易其言令悖傲矜伐又毀文王報書手作以疑之

用小却字

晉人帖中往往用小却字其意猶言少退也南史宋武帝紀帝疾召太子戒之曰謝誨數從征伐頗識機變若有同異必此人也小却可以會稽汀州處之

答書不廢應對

南史劉穆之與朱齡石於齊武帝坐並答書自旦至日中穆之得百函齡石得八十函而穆之應對不廢

隨機報答

後周中書監盧柔太祖引為行臺即對掌機密時汝頰之間多舉義來附書翰往返日餘百牒柔隨機報答皆合事宜

五雲體

唐常陟常以五采牋為書記使侍妾主之其牋答受意而已皆有楷法陟唯署名自謂所書陟字若五朵雲時人慕之號郇公五雲體

始為豐幅

盧光啟受知於租庸張濟每致書凡事別為一紙朝士效之蓋重疊別紙自光啟

號柳篋子

柳璨廷左拾遺公卿朝野託為箋奏譽以其博洽自號柳篋子

千里對面

房元齡傳高祖曰若人機識實宜委任每為吾見陳事千里外猶對面語

書唯稱郡

李積常以爵位不如族望官至刺史與人書唯每隴西李積筆國史補

壻不輒開

劉宴任權潘炎乃其壻雖書疏報答未嘗輒開時稱有古人節繫書鴿足

張九齡家養群鴿每與親知書繫鴿足上飛往投之自為飛奴王仁裕開元遺事

焚書不辨

錢徽為禮部段文昌李紳以書託徽徽不從二人怒奏徽取士以私坐貶江州或勸出文昌紳私書自直徽曰苟無愧於心安事辨證勅子弟焚書

求書先容

顧雲天順中同羊昭業等修史時劉子長僕射有清名求高逢休諫議書為先容雲潛啟閱之凡一幅並不言雲但云昭業等擬將一尺二寸汗脚踏他龍尾道雲歎息而已據言

無名書

王鐸節度淮南嘗得無名書納韞中俄取他書焚之異日因小罪并以所告窮驗示眾以為神明

半夜傳緘

杜牧之作李賀集序云太和五年十月中半夜時舍外有疾呼傳緘者某曰必有異函取火來及發之果集賢學士院沈公書一道曰吾亡友李賀且死以其文求序

家書抵萬金

王筠父在沙場一日偶得家書曰抵得萬金耳

懶不附書

李翱答獨孤舍人書所不數附書者性頗慵懶便一切畫斷祇作報書

漢上題衿

段成式與溫庭筠等唱和往來書目之為漢上題衿大抵多閨



關中情呢其事

投之苦海

鄭光業有一巨皮箱凡投贄有可唾者即投其中號曰苦海

無書被薦

司馬光薦劉安世充館職謂安世曰光居間足下問訊不絕光居政府足下獨無書此光之所以相薦也

商人通書

丁皇州多智數在海外有一販夫輒與數百緡任其貨易歲久不問商人疑其意且欲報之曰相公或使之雖死不避丁乃預計南京春宴必有中使在坐因作表丐還封為書投府坐約商人曰汝必於是日到仍須宴次投之商人欣躍而去至則如其言府坐得書懼不敢發欲匿之又中使已見遂因中使回附奏自是得移光州其表云雖遷陵之罪大念立王之功多

發其私書

王荆公薦呂惠卿為參知政事惠卿既得位遂叛荆公出荆公平日私書有曰無使齊年知齊年謂馮公京蓋荆公與馮公皆辛酉生又曰無使 上知 神宗始不悅荆公矣

間見錄

安書不讀

侍講胡安定公瑗布衣時與孫明復石守道同讀書泰山攻苦食淡終夜不寢一坐十年不歸得家問見上有平安二字即

投之

無日不觀

張文潛每見親友書無月日便擲於地更不復觀

避人家諱

本朝榮陽呂公希哲嘗言凡與交遊書聞其父祖知名於世者  
須避其名諱凡作書須先思及書之於几然後作書文潞公與  
故舊款接一坐未嘗犯其父祖名諱

雜志

焚書息禍

方諫議謹言為侍御史時丁謂貶遣謹言籍其家得士大夫書  
多干請關通者悉焚之不以聞世稱其長者

厚德錄

古今文集

雜著

古帖多弔喪

閣下諸帖十卷淳化中朝廷所集其中多弔喪問疾人多疑之

比見刊誤乃唐國子祭酒李注所撰短啟出於晉宋兵革之間  
時國禁書疏非弔喪問疾不得輒行尺牘故王羲之首云死罪  
違制令故也且啟事論兵皆短而緘貴易於隱藏

雜志

古禮猶簡

昔人最重契舊朋從年長則以兄事之齒少或以弟或以友呼  
焉父之交遊敬之為丈見之必拜執子姪之禮甚恭丈人行者  
命與其諸郎遊子又有孫者崇輩行畧不紊亂如分守之嚴舊  
例書禮只云啟或稍尊則云再拜雖行高而位崇者不過曰頓  
首再拜而已非父兄不施覆字宰輔以上方曰台候餘不敢也  
前輩名公尺牘中可考今俱不然誠可太息

書簡循習

近代士人相承於書尺語言浸涉奇猥雖有賢識不能自改如小簡問委自言所在必求新異之名予守贛時屬縣興國宰詒書云歛水有驅策乞疏下歛水者彼邑一水耳郡中未嘗知此不足以爲工當言下邑屬邑足矣爲縣丞者無不采藍田壁記語云負永嘉處哦松無補沾筆承乏皆厭爛陳言至稱丞曰藍曰殊爲可笑初赴州郡與人書必曰前政頽靡倉庫匱乏未知所以善後公習一律正使真如所陳讀者亦不之信予到當塗日謝執政書云郡雖小而事簡庫錢倉粟自可支吾得坐笑道院誠爲至幸周益公答云從前得外郡太守書未嘗不以窘冗爲詞獨創見來緘如此蓋覺其與他異也此兩者皆徂孰成俗故紀述以戒子弟輩

書館題目

作文字紀月日當以實言若拘拘然必以節序則爲牽強乃似麻沙書坊桃源居士輩所跋耳至於往還書問不可不繫日而性率者一切不書予有壻生子遣報云今日巳時得一子更不知爲何時或又失之好奇外姻孫鼎臣每致書必題其後曰公節至云小暑前一日驚蟄前兩日之類文惠公常笑云看孫鼎臣書須着置曆日於案上蓋自元正人日上巳端午七夕重九除夕外雖寒食冬至亦當謹識之况於小小氣候後生宜戒

齋隨筆

畏人索報書

士大夫得交朋書問有懶傲不肯即答者記白樂天老慵一絕

句曰豈是交親向我疎老慵自愛閉門居近來漸喜知聞斷絕  
惱嵇康索報書案穢康與山壽絕交書云素不便書又不喜作  
書而人間多事堆案盈几不相訓答則犯教傷義欲自勉強聞  
不能久樂天所云正此也乃知畏於答書其來久矣 容齋隨筆

古詩

飲馬長城窟行

青青河畔草綿綿思遠道遠道不可思夙昔夢見之夢見在我  
傍忽覺在他鄉他鄉各異縣展轉不相見枯桑知天風海外知  
天寒入門各目媚誰肯相為言客從遠方來遺我雙鯉魚呼童  
烹鯉魚中有尺素書長跪讀素書書中竟何如上有加餐食下  
有長相憶

古樂府

孟冬寒氣至北風何慘慄愁多知夜長仰觀衆星列三五明月  
滿四五蟾兔缺客從遠方來遺我一書札上言長相思下言久  
離別置書懷袖中三歲字不滅一心抱區區懼君不識察

訓崔十五見招

李白

爾有烏折書相招琴溪飲手把尺素書如天落雲錦讀罷向空  
笑疑君在我前長吟字不滅懷袖且三年

以詩代書答元丹丘

李白

青鳥海上來今朝發何處口嚼雲錦書與我忽飛去鳥去凌紫  
煙書留綺窓前開緘方一笑乃是故人傳故人深相最憶我勞  
心曲離居在咸陽三見秦草綠置書雙袂間引領不暫閑長望

事文類聚別集 卷之二十一  
杏難見浮雲橫遠山

寄皇甫湜

韓愈

敲門驚書睡問報睦州吏手把一封書上有皇甫字拆書放床  
頭涕與淚垂泗昏昏還就枕惘惘夢相值悲哉無竒術安得生  
兩翅

暮秋枉裴道州手札率爾遣興

杜甫

久客多枉友朋書素書一月凡一束虛名但蒙寒暄問泛愛不  
救溝壑厚齒落未是無心人舌存恥作窮途哭道州手札適復  
至紙長要自三過讀盈把那須滄海珠入懷本倚崑山玉

答邊信

長孫佐輔

征人去年戍遼水夜得邊書字盈紙揮刀就燭裁紅綺結作同

心谷千里君寄邊書書莫絕妾答同心心自結同心再解心不  
離書字頻着字愁滅結成一夜和淚封貯書只在懷袖中莫如  
書字固難久願學同心長可同

律詩

寄高詹事

杜甫

安穩高詹事兵戈久索居時來知宦達歲晚莫情踈天上多鴻  
鴈河間足鯉魚相看過半月不寄一行書

夜中得循州趙司馬侍郎書因寄迴使

盧綸

瘴海寄雙魚中宵達我居兩行燈下淚一紙嶺南書地說炎蒸  
極人稱老病餘殷勤報賈傅莫共酒杯疎

送楊禁侍兼寄山谷

陳無已

事類彙編 卷之二十一 寄書

多問黃居士終年欠一書囚人問消息有使報何如

寄張大夫 陳無已

一別今何向三年訊不通不應書字倦未有北來鴻

逢入京使 岑參

故園東望路漫漫雙袖龍鍾淚不乾馬上相逢無紙筆憑君傳

語報平安

投簡梓州幕府兼問肅郎官 見同僚門

送蕭二十二赴歙州婚期 盧仝

淮上客情殊冷落蠻方春且客何如相思莫道元來使回鴈峯

前好寄書

寄元明 黃魯直

但知家裏人無恙不用書來細作行一百八盤携手上至今猶

憂繞羊腸

寄叔父夷作 黃魯直

關寒塞雪欲寄音菴薦拂天河鯉沉百書不如一見面幾日歸

來兩慰心

詩話

求書得詩

蔣堂侍郎告老姑蘇有僧將遊錢塘求呂濟叔書公作詩乃云

告老於君推掩戶年來無事老江干吾師莫訝無書去閑漫編

題不必看 青鎖高議

十年無書

事類彙編 卷之二十一 寄書

章子厚與劉子先嘗有場屋之舊又頗相善子厚居京口子先守姑蘇以新醞洞庭春寄之子厚答詩曰洞霄宮裏一閑人東府西樞舊老臣多謝姑蘇賢太守殷勤分送洞庭春其後契闊十年子厚拜相亦不通問寄書言其相忘遠引之意子先以詩謝曰故人天上有書來責我疎愚喚不迴兩處共瞻千里月十年不寄一枝梅塵泥自與雲霄隔駑馬難追德驥才莫謂無心向門下也會終夕望三台公得詩大喜即召為宰屬遂廷戶部侍郎

### 投贄 暗投

群書要語凡贄天子也諸侯圭卿羔大夫鴈士雉庶人之贄匹

音驚童子委摯而退野外軍中無摯以纓拾天可也婦人之摯

棋榛脯脩棗栗 山禮士相見之禮贄冬用雉夏用脍 禮記暗投

明月之珠夜光之璧以闇投人於道無不按劍相眈何則無故而至前也又曰彼非所明而投之 注是猶對牛奏簧耳又曰大

聲不入於俚耳 注非委巷之所尚也又曰折楊蕢華則嗑然而笑 注俗人得嘖曲則同聲動笑也 莊齊物篇雖濬發於巧心終

見啞於拙目 史通

詩句此路無知己明珠莫暗投 高適白雲非衆定夜光忌暗投

### 古今事實

執贄還贄

事類彙編卷之二十六  
周公謂伯禽之傳曰我文王之爲子武王之爲弟成王之爲叔父吾於天下不賤矣然而吾所執贄而見者十人還贄而見者三十人貌執之士百有餘人欲言而請畢事者十有餘人於是吾僅得三士焉以正吾身以定天下  
荀堯問

以鼠爲璞

昔鄭人以乾鼠爲璞鬻之於周末愚夫亦寶燕石緹襲十重  
出聞子  
夫覩之者掩口胡盧而笑尹文子曰鄭人謂玉琢者爲璞周人謂鼠未腊者爲璞周人遇鄭賈人曰欲買璞乎鄭賈曰欲之出璞示之乃鼠也因謝不取  
晏類要

好竿鼓瑟

齊王好竿有求仕於齊者操瑟而往立王之門三年不得入者

曰吾瑟鼓之而能使鬼神上下吾鼓瑟合軒轅氏之律呂容焉之曰王好竿而子鼓瑟瑟雖工如王不好何是所謂工於瑟不

工於求齊也  
韓文

以玉爲石

見玉門

問柏板名

韓愈皇甫湜一代龍門牛僧孺携所業謁之其首篇說樂即捲卷問曰且以柏板爲什麼僧孺曰樂句二公大稱賞由此名無  
據言

古今文集

雜著

上任德翁序

十五歲作

唐子西



薛郡任公之教授通義也上之曳長裾服方領抱書束帶優游  
於泮宮者數百人英俊豪傑往往輩出育少年書生曰唐某者  
誦書不甚多屬文不甚工碌碌落落無可稱者一日持一軸書  
捍三寸舌草衣麻屨襍袂登門危言高論不顧忌諱公一見而  
嗟異之再見而禮貌之三見而怜恤之勸戒勤篤教論款密其  
處之而不能自安退而諮之於客曰公於我厚矣吾將圖報矣  
吾欲脅肩語笑巧言令色以順適其意以是報公可乎客曰不  
可是小人之報也吾將抱長劍挾匕首有惡聲至者以血濺其  
襟以是報公可乎客曰是俠客之報也吾將淬文鋒礪詞鋒庶  
幾起騰奮躍高飛遠舉於天下使天下之人指之曰斯人也出  
於任公之門以是報之可乎客曰唯唯是國士之報也夫因書  
以為序

琉璃瓶歌贈晁二

張文潛

火維荒茫地軸傾下有積水潛鯤鯨身翻瀾山為崩金鳥下  
啄猗龍騰狂鬚竒鬚萬族朋巨神日月雙手擎夸城愁思鳥戢  
翎老魚戮死風雨腥長彗下掃千里驚淺洲一席塊為城齧兒  
夷女竒弁纓大舶舵天日百程怒帆吼風戰飛鵬世中之人恠  
眉晴獸肌鳥舌髻翹悻萬金明珠絡如噀曰衣夜明非綢繒以  
有易無百貨傾室中開橐光出楹非石非玉色細青昆吾寶扶  
離春冰表裏洞徹中虛明宛然而深人為瓶補陀真人一銖衣  
攀藤燕坐花雨飛兜鍪寶手親挈携楊枝取露救箔飢海師傳  
詩願有胝番禺寶市無光輝流傳人間入吾手包以百萬吳綿

厚擇人而仍今子拔燦然光輝子文章清明無垢君肺腸比君  
之德君勿忘與君同升白玉堂

九江千歲龜歌贈無咎

張文潛

靈龜千年口不食以背負牀飲其息吾家兩龜豈徒不食亦不  
息壽與萬古無終極濟南見君博物天地通夜窺斗牛頗似晉  
司空指我兩龜有名字大龜爲九江小龜號千歲老龍洞庭怒  
蕩覆堯九州禹咄嗟水平流九江無波拍天浮中有大靈背如  
丘南風吹楚澤蓮葉青欲秀有物中作巢一寸玄介胄霞衣仙  
人鬢如霜飲以南極之光芒丹顛老客一作庾客不相見飛渡  
東海巢一作朝扶桑迺來蟠桃枝有子大如年浮遊輕於鳥一  
作我身叔共蓬 江海一回首青珊瑚柱碧瑤宮水仙焚香吹作

風朝戲蓮葉西暮遊蓮花東秋風蓮子熟匆去清江國小千歲  
大九江我久不見之向君案前雙我謂是君二物育似我與子  
國有守龜吾子是燦然天下之寶器黃金之滕紫瑤匱天玉端  
且光史再拜一逆一從定大事我身百無用頗似千歲潛深淵不  
極人間貯金籍三萬富貴但直竒身江上一葉之秋蓮萬物十  
不才用舍不在天舒聲問是君然不然

贈一蘇公

陳無已

岷峨之山中巴江桂椒拂廬楓柞樟青金黃玉丹砂良獸皮鳥  
羽不足當異人間出駭四方嚴王陳李司馬楊一翁二季對相  
望竒寶橫道驥服相誰其識者有歐陽大科異 等固其常小  
却盛之白玉堂典謨雅頌用所長度越周漢登虞唐千載之下

有素王平陳鄭毛視荒荒後生不作諸老亡文体變化未可量  
萬口一律如吃羗妖狐幻人犬陸梁虎豹却走逢牛羊上帝惠  
願拔不祥天門夜下龍虎章前驅吳回後炎皇絳旗丹轂朱冠  
裳從以甲冑萬鬼行乘風縱燎無留藏天高地下日月光授公  
以柄扶病傷士如稻田待公秧臨流不度公為航如太醫王治  
膏肓外證已解中尚強探囊一試黃氏湯一洗十年新學腸老  
生塞口不敢嘗向來狂殺今尚狂請公別試囊中方

古風二首上蘇子瞻

一首見梅門

一首見松門

律詩

上知府寇相公

魏野

文武稟全才何人更可陪有官店鼎鼎無地起樓臺聖王詩方  
和親王狀始回鎮臨求二陝調燮輟三台鳳閣須重去龍旌暫  
擁來下車二度雨上事數聲雷未暇言珪璧先蒙訪草萊幾思  
趨相府恐懼復徘徊

謁張安國

楊廷秀

帝苑花濃記並遊萬人回首看螭頭也知旬月應顛面已逼雲  
霄又作州別後聞公非故我學林着脚到前修登門猶說同年  
舊未覺紅鴛映白鷗

詩話

投梅花賦

劉禹錫上權舍人書曰昔宋廣平之沉下僚也蘇公味道時為  
綉衣直指使者廣平投以梅花賦蘇盛稱之自是乃列於文人  
之首

投贄不開

樂天不為贊皇公所喜每寄詩李絳之一篋未嘗開

先慢後敬

樂天未冠以文謁顧况况覩姓名熟視曰長安米貴居大不易  
乃披卷讀其芳草詩野火燒不盡春風吹又生歎曰吾謂斯文  
遂絕今復得子矣前言戲之耳

塗鼠贄文

牛僧孺赴舉之秋嘗投贄於劉補闕禹錫對客展卷飛筆塗鼠

其文歷二十餘歲劉轉汝州牛出鎮漢南枉道汝州駐旌信宿  
酒酣賦詩劉方悟往年改公文卷僧孺詩曰粉署為郎四十春  
今來名輩更無人休論世上昇沉事且闢樽前見在身珠玉會  
應成咳唾山川猶覺露精神莫嫌恃酒輕言語曾把文章謁後  
塵禹錫和云昔年曾忝漢朝臣晚歲空餘老病身初見相如成  
賦日後為丞相掃門人追思往事咨嗟久幸喜清光笑語頻猶  
有當時舊冠劍待公三日拂埃塵牛公吟和詩前意稍解曰三  
日之事何敢當焉宰相三朝後主印可以昇降百司也於是移  
宴竟夕方整前驅也劉乃戒其子咸乂丞雍曰吾成人之志豈  
料為非汝輩進修守中為上古今詩話

梅詩見知

王沂公會為布衣時以所業贄呂文穆蒙正中有早梅詩其中句云雪中未論和羹事且向百花頭上開文穆云此生次第已安排狀元了做宰相矣已而果然 湘山野錄

### 慶賀

群書要語天夏成而燕雀相賀 淮南子慶者在堂弔者在門禍

與福鄰莫知其門 荀子其非惟我賀將天下實賀 昭八

詩句閭里自相賀 韓還鄉問井邑上堂多慶喜 歐歸來見親戚

握手相弔慶 歐飢貧相乘除未見可弔賀 坡

### 古今事實

慶弔相隨

蘇秦說齊王再拜仰而賀俯而弔齊王曰是何慶弔之相隨也

賀錢萬貫

單父人呂公善沛公避仇從之因家焉沛中豪吏聞令有重客皆往賀蕭何為王吏王進令諸大夫曰進不滿千錢坐之堂下

高祖為亭長素易諸吏給曰賀錢萬貫不持一錢謂入呂公大驚起迎之門

不賀而弔

高祖使使拜蕭何為相國益封為相國衛諸君皆賀故秦東陵侯名平獨弔謂何曰以淮陰新反有疑君心夫置衛衛君非以寵君願讓封勿受悉以家財佐軍何從其計上悅

殺敵不受賀

後漢劉表為荊州牧時驃騎將軍張濟自關中奔南陽因攻襄  
城中飛矢而卒官屬皆賀表曰濟以窮來主人無禮至於交鋒  
此非牧意牧受弔不受賀也使人納其衆衆聞之喜遂皆服從

諸君何賀

荀勗自中書監迁尚書令甚愠有賀者勗怒曰奪我鳳凰池諸  
君何賀耶

賀錢一千

呂僧珍生子宋季雅往賀署函曰錢一千閹人少之不為通強  
之乃進梁書

遷官不受賀

唐岑文本初拜中書令有憂色母問之答曰非勲非舊責重位

高所以憂也有來賀者輒曰今日受弔不受賀

門無賀客

向敏中文簡除右僕射麻下日李昌武為翰院學士當對  
真宗謂曰朕自即位以來未嘗除僕射今日以命敏中門下賀  
客必多卿往觀之明日却對來勿言朕意也昌武侯丞相歸乃  
往見丞相方謝客門闌悄然無一人昌武與向親徑入賀之公  
但唯唯卒無一言既退復使人至庖厨中問今日有無宴會亦  
寂無一人明日且以所見對上笑曰向敏中大耐官職筆談

官尊止賀

王文正公晚年官重每家人出賀立令止之因語其弟曰遭遇  
如此愈增憂懼何可賀也公每有賜予見家人置於庭下乃瞑

事類彙編卷之二十一  
目而歎曰生民膏血安用許多名臣遺事

古今文集

雜著

誠子孫

董生有云弔者在門賀者在閭言有憂則恐懼敬事敬事則必有善功而福至也又曰賀者在門弔者在閭言受福則驕奢驕奢則禍至故弔隨而來齊頃公之始藉霸者之餘威輕侮諸侯虧政蹇之容故被安革之禍隨服而亡所謂賀者在門弔者在閭也兵敗師破人皆弔之恐懼自新百姓愛之諸侯皆歸其所奪邑所謂弔者在門賀者在閭

對賀者

柳宗元

柳子以罪貶永州有自京師來者既見曰余聞子坐爭斥逐余適將唁子今余視子之貌浩浩然也能是遠矣余無以唁敢東以為賀柳子曰子誠以貌乎則可也然吾豈若是而無志者耶姑以戚戚為無益乎道故若是而已矣吾之罪大會王上以寬理人用和天下故吾得在此凡吾之貶斥幸矣而又戚戚焉何哉夫為天子尚書即謀畫無所陳而群比以為名蒙恥遇僂以待不測之誅苟人爾有不汗栗危厲惇惇然者哉吾嘗靜處以思獨行以求自以上不得自列於聖朝下無以奉宗祀近丘慈徒欲苟生幸存庶幾似續之不廢是以儻蕩其心倡佯其形范乎若升高以墜潰乎若乘海而無所往故其容貌如是子誠以浩浩而賀我其孰承之乎嘻笑之怒甚乎裂眦長歌之哀過乎

慟哭庸詎知吾之浩浩非戚戚之尤者乎子休矣

賀下不賀上

賀下不賀上此天下通語士人歷官一任得外無官謗中無所愧於心釋肩而去如大熱遠行雖未到家得清涼館舍一解本漱濯已足樂矣况於致仕而歸脫冠佩訪林泉頽平生一無可恨者其樂豈可勝言哉余出入文忠公門最久知其欲釋位歸田可謂切矣他人或苟以藉口公發於至情如飢者之念食也顧勢有未可者耳觀與仲儀書論可退之節三至欲以得罪而去君子之欲退其難如此可以爲好進者之戒

志林

新編古今事文類聚別集卷之二十六



